

刑  
案  
匯  
覽

刑案匯覽卷十三

目錄

監守自盜倉庫錢糧

庫書偷竊庫銀應照監守自盜

侵食庫項該員身死將子監追

侵盜那移業經上司分賠完項

庫書盜賣漕糧完贖不准免罪

官役截留緘觔節省銀兩分用

貼書盜用鈐記日領俸餉銀兩

已革樞密私收花戶銀米入已

袋厥經紀隱匿新袋希圖肥己

官設銀匠使用傾解藩庫銀兩

庫書蠲免偷竊銀兩尚未出庫

武弁舞文侵蝕兵糧完贓全免

營弁因馬倒斃私賣官厰貼補

坊官平糶米石私行拉米回署

平糶丁書就扣丁生搶奪升斗

常人盜倉庫錢糧

車夫在途偷竊委員解庫桐油

運員家丁串同船戶偷竊官銅

兵民縫城釣搗偷竊倉貯漕米

強盜

兩賊同時同地拒殺事主一人

兩賊同時同地刃傷事主一人

事後搜捕兩賊拒殺事主一人

首犯先行拒捕夥賊幫同刃傷

賊犯事後護夥刃傷事主平復

事後搜捕拒殺工人鄰佑一命

行竊妻弟家刃傷事主之堂弟

拒傷事主分居親屬與事主同

竊賊護夥刃傷事主寄宿瓦匠

偷羊趕走因被追捕捆縛事主

逃走並未棄財被追用言嚇禁

夥竊得贓落後之賊慮追嚇禁

行竊被獲喊同夥賊捆縛事主

竊賊得贓被捕用言嚇禁

捆縛之後既未與賊與強不同

偷竊園菜未離盜所殺人

屋旁偷雞未得園脫拒斃事主

入室行竊並落窗戶誤傷事主

得賊後復進竊被獲刃傷事主

得賊後復進竊被迫出房拒捕

尚未得賊被追甫出臥房拒捕

二房內行竊走至房外已離盜所

竊賊攜賊復竊未得被追拒捕

賊經事主奪回不得謂之獲賊

已離盜所無賊可獲駁令改擬

所獲之夥手內有無賊物駁審

僅稱逃出是否畏懼欲逃駁審

是否盜所獲賊駁令詳細敘明

夥賊說出斬決首犯逃匿地方

竊賊逾貫夥賊供出首犯地方

竊賊刃傷事主畏懼送還原賊

首夥行竊現姦事主婦女未成

事後謀殺事主仍照謀殺本律

臨時謀殺事主仍照臨時拒捕

行竊當被識破商同謀殺事主

竊賊謀殺事主二命改斬立決

事後故殺一命商同謀殺一命

迷竊殺人照強盜例斬梟

迷竊擬追脫逃投回悉照強盜

首夥商謀迷竊致死事主

迷竊殺人雖未得財斬梟



迷竊殺人問拿投首不准寬減

投方以致殺人並未同行分贓

父子迷竊聞拿投首

蒙古盜犯妻子照蒙古例給主

京城居民被盜員弁出錢諱匿

典史抑勒諱盜刑傷事主平復

因貧捏報盜劫希冀賄贓

以竊報強央人作證架詞上控

失察捕役搜贓舞弊照例叅處

竊盜等事地保汛兵首報遲延

刑案匯覽卷十三目錄終

刑案匯覽



卷十三

目錄

五

刑案匯覽卷十三

監守自盜倉庫錢糧

庫書偷竊庫銀  
應照監守自盜

山西司 查例載監守盜倉庫錢糧一百兩以上至  
三百三十兩杖一百流二千里勒限一年追完如限  
內全完流徒以下免罪等語此係嘉慶四年奏准定  
例今山西省庫書梁奮庸偷竊庫銀二百九十九兩  
該撫以梁奮庸偷竊庫銀限內賠交應照例免罪等  
因奉

諭交館查核職等查梁奮庸內撥撥庫子斗級各有主守

之責凡官錢糧官物守掌之人若於倉庫內盜者謂  
之監守自盜又輯註云庫斗引賊盜倉庫錢糧庫斗  
間監守賊犯照常人盜各盡本法此案梁齊庸本係  
庫書其偷竊庫銀雖與侵虧不同惟庫書有守掌之  
責於倉庫內盜者既照監守自盜科斷則監守盜倉  
庫錢糧限內完贓計贓罪止擬流者例應免罪

嘉慶十一年說帖

安徽司 查例載監守盜倉庫錢糧入已數在一十  
兩以上擬斬監候一百兩以上杖一百流二千里如

倉庫庫項該員  
身死將予監追

一年限內全完死罪減二等發落流徒以下免罪又  
侵貪之案如該員身故審明實係侵盜庫帑將伊子  
監追又律載虛出通關以監守自盜論又監守自盜  
四十兩斬雜犯徒五年又二罪俱發以重者論各等  
語此案亳州知州李廷儀侵虧倉庫錢糧六萬五千  
五百八十二兩零罪應擬斬勒追業已身故應如該  
撫所奏將伊子李行簡李行恕照例勒限監追分別  
辦理至叅革嘗州周成績於李廷儀交代時徇情結  
報係屬虛出通關接監守自盜本律罪應徒五年其

自行侵虧庫銀四千二百餘兩已於限內全完按例  
減等罪止滿徒二罪俱發應以重者論亦應如所奏  
周成績合依虛出通關以監守自盜論監守自盜倉  
庫錢糧四十兩斬雜犯徒五年律杖一百徒五年係  
旗人照例解部折枷鞭責發落仍俟李行簡等應追  
銀兩限滿有無全完再行照例辦理姬奎光代管庫  
務輒敢侵用銀一百一十兩因屬不法惟所擬流罪  
例應限年追繳分別減免該撫將姬奎光卽行發配  
是治罪轉較死罪人犯限內全完卽得減徒爲重殊

未允協姪奎光應改依監守盜倉庫錢糧例入已數  
在一百兩以上擬杖一百流二千里照例刺字勒限  
完繳分別辦理如其不完卽行發配雖係親老丁單  
不准留養

嘉慶十一年說帖

奉尹題寧海令崇倫永虧空庫銀一案乾隆十二  
年六月十五日奉

旨州縣官侵蝕倉庫非因公那用可比此等貪劣之員多  
有身故事發以後不過於家屬名下勒限著追遷延一  
二年率以家產全無保題豁免且並有父沒而子乘機

盜帑移罪於父仍得坐擁厚貲者殊無以儆貪風夫父子一身也子代父罪亦理之宜崇倫永既經身故著將伊子崇元誦監禁追比嗣後侵貪之案如該員身故審明實係侵盜庫帑者即將伊子監追著為例餘依議欽此  
通行已錄例

侵盜那移業經  
上司分賠完項

雲南司 查侵盜錢糧限內完贖准其減免之例係指木犯目行完交者而言至上司分賠完項應否減免例無明文自不在查辦之列惟查嘉慶六年陝西司具題原任吉林協領諾穆三等因管理參局那用



官犯侵欺冒領  
准其援免罪名  
賊亦豁免案載  
給沒贓物條督  
催所贓罰

書吏侵盜錢糧  
祇准援免罪名  
仍應監追贓項  
案載常赦所不  
原條山東陳藍  
田

庫項銀十二萬九千餘兩照那移庫項銀二萬兩以  
上例擬斬監候除查抄家產抵項外未完銀十一萬  
一千餘兩著落歷任將軍副都統分賠嗣經分賠各  
員於限內完交將諾穆三等題准減等在案今陝西  
巡撫咨原任雲南布政使經歷陳燦因虧空黑鉛工  
本銀九百九十餘兩依監守盜倉庫錢糧六百六十  
兩以上例擬流所虧銀兩除查抄衣物估銀三十餘  
兩抵補外不敷銀九百六十餘兩俱經各上司分賠  
完交清楚但分賠銀兩是否卽同該犯自行完繳應

咨減免並無例案咨請部示  
職等查陳燦虧空之項  
雖非自行全完第經各上司分賠完欵與諾穆三等  
分賠准減之案相符惟諾穆三係屬那移比陳燦之  
虧空情節稍輕而賊至十二萬餘兩較陳燦之賊九  
百餘兩為重是諾穆三情輕而賊重陳燦情重而賊  
輕比類較核似屬相等且陳燦到配業已多年歷次  
恭逢

恩宥現在賊項既已有著應否准其減等自應具題請

旨定奪

稿

查例載監守盜倉庫錢糧限一年追完如限

丙全完流徒以下免罪若不完再限一年勒追全完者減一等發落如不完再限一年著追全完者奏明請

知縣短交攤捐等欸銀兩例不科罪廣西王光治案載老小廢疾收贖係

旨照二年全完減罪一等之例辦理等語此案原任雲南布政司經歷陳燦因侵虧黑鉛工本銀九百九十餘兩擬流發配陝西所虧銀兩除查抄衣物估銀三十餘兩抵補外不敷銀九百六十餘兩業經上司分賠清楚據該撫以該犯並無應追贓項應否減免咨請部示查完贓減等之例係指本犯自行完交者而言

今該犯係屬上司分賠與例不符惟贓項究已全完  
該犯在配多年歷次恭逢

恩旨若與不完者一律不准援減似覺無所區別事關官  
犯援

赦減免例應專本具題請

旨定奪應俟該撫具題到日再行核議  
嘉慶八年設帖

完贓不准免罪

江蘇司 查例載監守盜倉庫錢糧入已至三百三

十兩杖一百流二千里至六百六十兩杖一百流二

千五百里至一千兩杖一百流三千里一千兩以上

者擬斬監候勒限一年追完如限內全完死罪減二等發落流徒以下免罪若不完再限一年勒追全完者死罪及流徒以下各減一等發落又漕運糧米監守盜六十石入已者發邊遠充軍各等語是監守盜倉庫錢糧例許完贓免罪而監守盜漕運糧米並無按限追贓免罪明文定例各有專條引斷豈容牽混此案黃作仁係庫吏先後侵虧庫貯錢糧計銀六百餘兩罪止杖流其盜漕運徵存漕米出倉已在六十石以上前據該撫審將該犯依漕運糧米監守盜六

十石入已例發邊遠充軍茲據該撫咨稱據犯母黃  
周氏呈稱將黃作仁所盜銀米具限一月照數呈繳  
呈請援例減免查監守盜漕運糧米限內完贖應否  
免罪例內並未載明又無辦過似此成案咨請部示  
等因查盜漕運糧米例內既無完贖免罪明文自無  
論其曾否完贖卽應依例問擬不得以該犯限內完  
贖卽牽引監守盜倉庫錢糧之例概行免罪應令該  
撫卽將該犯定地發配

道光十一年說帖

大學士 奏覆核刑部審擬戴雪峯等舞弊一案此

案庫丁戴雲峯因解官並不服同兌交起意虛立印  
付侵盜餉銀繼因奎秀等恐虧庫項未允該犯輒以  
庫銀分兩本重收兌歷有盈餘可以各項之有餘補  
其不足以致奎秀等商同阿成舞弊得贓是戴雲峯  
實爲此案罪魁非尋常犯賊可比未便仍照監守自  
盜本律間擬戴雲峯應比照各部院書辦指稱部費  
招搖撞騙干犯

國憲審實卽行處斬律擬斬立決阿成身任查庫御史  
奎秀福英阿身任庫官均有盤點監臨之責聽信戴

雲峯等虛出通關截留銀蝕各分川銀一千兩厥罪  
惟均若如刑部所議阿成擬絞監候請卽正法奎秀  
福英阿俱擬斬候完贓不准減等處決雖有遲速之  
別罪名實有斬絞之殊且同得銀一千兩同罪異罰  
似不足以昭平允阿成奎秀福英阿俱合依虛出通  
關計贓以監守自盜論受財者以枉法論枉法贓入  
十兩律擬絞監候阿成係風憲官犯贓律應加等罪  
已至死無可復加應否卽行正法恭候

聖裁奎秀福英阿仍照律監候庫書史禹亭史竹軒阮晴



坡庫丁謝恒陳炯瑞劉智宋瑞源均係主守膽敢虛  
立文案肆意侵蝕均應依虛出通關以監守自盜論  
律擬斬監候史禹亭勾串官吏舞弊贓情節較重  
應不准完贓減等其史竹軒等六犯訊係戴雲峯臨  
時告知情節尙輕仍照本例勒限追贓如限內全完  
發新疆種地當差限內不完永遠監禁庫書于文玉  
業經查出收銀簿內款項與驗匠所驗銀數不符並  
不舉首應照倉庫官吏知侵欺盜用匿而不舉與犯  
人同罪至死減一等律杖一百流三千里先行發配

侵盜錢糧故縱  
之官吏先行決  
配如正犯完贖  
減免亦分別減  
免例載錢糧五  
和將察條

俟正犯限內有無完贖分別辦理宗室全煜事不干  
已串同控告詐贖至六千兩之多應照宗室商謀捏  
控無論詐贖多寡例加重發往黑龍江到配重責四  
十板教善藉端扭送冀圖賄和雖詐贖未得亦應照  
宗室詐贖捏控例發往吉林重責四十板芮九等依  
教誘助勢例枷號充軍李升妄捏干已控告戴雲峯  
負欠不還牽及虛弊詐贖三千餘吊應依民人不干  
已事無論所告虛實詐贖多寡例枷號充軍沈瑞明  
知全煜圖脫罪名主使御史容和挾私彈事薦引舉

人張慶恩代具奏摺均與敎誘爲匪無異除張慶恩  
監斃外沈瑞依敎誘爲匪例充軍邵正笏於戴雲峯  
等立案虛收失於查察按倉庫官吏失覺察律罪止  
滿杖惟以查庫御史於芮九控告之案並不送部究  
辦輒瞻徇情面含混批結幾致重犯漏網情節較重  
應酌加一等杖六十徒一年請

旨發往軍臺効力贖罪戴雲德爲戴雲峯說令付給芮九  
息訟錢五十千復與曹三將戴雲峯賄和全煜銀六  
千兩先後代爲過付訊係各自經手過賊並無首從

均應依說事過錢與受同科無祿人減一等於全煜  
造罪上減一等各杖一百徒三年中書豐盛額訊無  
知情分贓惟毫無覺察合依倉庫官吏失覺察者杖  
一百業已革職應毋庸議知縣李式圖委係被邵理  
堂始終欺騙並不知情惟委解庫欸本應自行交納  
乃誤託匪人並不暇同兌收以致戴雲峯等得以乘  
機盜因核與倉庫不覺被盜者情事相同李式圖應  
比照倉庫直更之人不覺盜者減盜罪三等罪止杖  
一百律杖一百業經革職應毋庸議袁潮賢代邵理

崇寄存原銀依知竊盜賊而寄藏律杖一百銀號錢  
德明等給與庫丁捐費銀兩訊係抑勒取財例不坐  
罪惟包攬交指究屬違例均應照違

制律杖一百邵理堂於李式圖託其代爲交庫輒誘令  
在店劈鞘希圖抵換原銀復與戴雲峯等商謀盜用  
分贓已至盈千若非該犯起意侵欺戴雲峯等亦無  
由弊混白當坐以竊盜餉鞘爲首之罪邵理堂合依  
竊盜餉鞘數至一百兩以上例擬絞監候病故勿議  
御史宗室咨和聽從宗室金煜挾私彈事其原奏內

所稱芮九應行省釋熬審監斃一節如果屬實承審  
官應照故禁平人因而致死律擬罪今事屬虛誣按  
風憲官挾私彈事有不實者應照誣告律科斷其事  
後得受京錢二百吊照官吏事後受財准枉法論風  
憲官加二等應於誣告人死罪未決擬流加徒上加  
等擬軍業已自盡勿議至此項絀劬節省銀一萬兩  
除阿成奎秀福英阿邵理堂等所有查封資財應移  
咨戶部估變入官外其餘知情分贓之戴壽亭史禹  
亭謝恒陳嶠瑞劉智朱瑞源史竹軒阮晴坡各犯家

產及邵理堂在京資財應咨提督衙門查抄入官儘  
數備抵倘仍有不敷卽同各犯屬勒追等因道光十  
三年二月二十一日奉

旨此案庫丁戴雲峯因解官並未眼同交兌起意虛立印  
付侵盜餉銀繼因奎秀等恐虧庫項未允該犯輒敢飾  
詞恣意以致阿成等舞弊得贓實爲此案罪魁藐法已  
極此而不嚴行懲辦何以警奸盜而肅紀綱戴雲峯著  
卽處斬已革給事中阿成聽信戴雲峯等虛出通關截  
留侵蝕得受贓銀一千兩之多該革員身任查庫御史

職司風憲盤點是其專責乃舞弊卽係查弊之人尤出情理之外同成著卽處絞餘依議欽此 卽抄

貼書盜用鈐記  
冒領俸餉銀兩

直督 奏陳炳和身充餉房貼書膽敢捏造文領囑令左營字識石太盜用都司鈐記並將冊領交給石太貼改冒領俸餉十四次共銀一千四百餘兩該犯分用銀七百餘兩迨石太向其拒絕猶敢獨自冒領私刻都司鈐記該犯係餉房貼寫並無典守銀兩之責卽與常人無異將陳炳和比照竊盜庫貯銀錢但經得財之首犯數至一百兩以上例絞候該犯於司



書虛收舞弊嚴懲之後復敢冒領俸餉實屬督不具  
法應請

旨卽行正法石太充當左營守備輒敢聽從盜用都司鈐  
記並將冊領貼改添造銀數節次冒領俸餉該犯分  
用銀六百餘兩惟該犯之冒領實由陳炳和首先囑  
令所致且一聞訪查卽行拒絕尙知畏法應照爲從  
於陳炳和死罪上減一等滿流係書吏知法犯法從  
重發黑龍江爲奴先行枷號兩個月

嘉慶二十四年  
案

已革糧書私收  
花戶銀米入已

江督咨糧書張廷元於革役後仍在地丁房幫辦

庫書串通糧店  
侵蝕花戶錢糧  
照常人盜案賊  
家人來索條浙  
省華安輦

原經紀隱匿  
新袋希圖肥已

事務實有監守之責先後私收花戶銀米侵欺入已  
將舊存廢串捏寫新串欺騙鄉愚計侵欺銀六兩有  
零應照監守盜倉庫錢糧五兩律杖一百該犯另挾  
花戶高文璞等八戶未補銀色之嫌塗抹冊內銷戮  
將已完捏作未完朦混造串交櫃徵收致高文璞等  
受重徵之累情節較重應於滿杖上酌加一等杖六  
十徒一年雖限內完贓不准免罪

嘉慶十八年案

順尹 奏送李雲鵬身充袋廠經紀隱匿新袋希圖  
肥已卽屬監守自盜將李雲鵬照監守盜一百兩以

官設銀匠侵用  
領解藩庫銀兩

上滿流例量減一等擬杖一百徒三年完贓不准免  
罪嘉慶十八年四川司現審案

湖督 奏銀匠田愷興於發交領解藩庫銀兩乘機  
侵用銀一千餘兩按監守自盜例罪應擬斬該犯於  
一年限內全完應減二等擬徒惟係在官人役盜用  
官銀將該犯酌加爲極邊足四千里充軍部議監守  
盜倉庫錢糧之例原以在官人役有監守之責從而  
盜取故特設專條若非在官人役則有常人盜之例  
應仍改依本例科斷道光元年案

庫書彈兌偷竊銀兩尙未出庫

貴撫 咨庫書張錦倫竊庫銀尙未出庫在張錦身係庫書令伊進庫取銀彈發卽屬監守但竊銀尙未出庫未經得財應照竊匪之徒穿穴壁封竊盜庫貯銀錢未經得財例擬杖一百徒三年

道光三年案

武弁舞文侵蝕兵糧完贓全免

雲督 咨都司陳鶴年聽從營書侵蝕兵糧洗改文移審照監守自盜律擬杖一百流二千里增減官文書有所規避應於本罪上加二等杖一百流三千里今該員等於一年限內將應交銀兩全數完繳按監守自盜之罪例准寬免其加罪二等係因本罪相因

營弁因馬倒斃  
私賣官廩貼補

而及應否併免例無明文咨請部示部議陳鴻年所  
加罪名係由侵盜而起並無別犯他罪自應准其一  
併寬免

嘉慶十九年案

陝督 奏守備郭對揚因馬倒斃四十餘匹陸續買  
補迫因馬價無償私將廢廠價賣得銀償還未便因  
無侵蝕情弊僅照盜賣官田木律問擬將郭對揚比  
照監守盜錢糧入已至三百三十兩例杖一百流二  
千里勒限一年追繳俟限滿照例辦理

嘉慶二十四  
年案

坊官平糶米石  
私行拉米回署

刑部 查中城副指揮孔傳葵承辦平糶米石輒因

搭蓋天棚等項將已糶之米少報七十石那用錢文  
并在廠人役支食米石共有八十石之數又因米將  
糶完私拉米五十石回署意圖照市價多賣錢文藉  
敷彌補雖已經起獲還充官糶仍應照監守盜科斷  
統共計贓在一百兩以上孔傳葵除那用糶米錢文  
給發車脚等項係屬那移輕罪不議外應卽照監守  
盜倉庫錢糧一百兩以上至三百兩例杖一百  
流二千里惟該革貞於平糶米石擅自挪運回署實  
屬率意妄爲若僅照例擬流轉得完贓減罪未免輕

縱應請

旨將孔傳葵發往烏魯木齊効力贖罪以示懲儆其所短  
米石錢文業將任所資財抄沒應卽發配毋庸勒限  
著追書吏童松年於孔傳葵拉米回署雖訊無通同  
分用錢文惟不行阻止代爲押車實屬不合應革去  
糧書照不應重律杖八十枷號一個月

嘉慶十六年  
案

平糶丁書寬卹  
刁生搶奪升斗

提督 奏送順義縣糧書王治平將平糶米石賣與  
富戶一案此案順義縣門丁金三書吏王治平言成

章言萬選經該縣派管平糶厥初輒因冀免賠累於

每斗尅扣少許旋將尅扣浮出米石連夜趕糶得錢  
三十五千交金三收存約俟遲日再分查該犯等經  
管平糶係屬臨時差遣均有主守之責其尅扣米石  
偷賣侵蝕共得制錢三十五千文俱應照監臨主守  
盜倉庫錢糧不分首從併贓論罪三十兩杖一百流  
三千里雜犯流總徒四年律上加一等杖一百流二  
千里均照例刺字雖完贓不准免罪宛兆熊等違例  
多買米石均照違

制律杖一百多買之米免其追繳革生仇鵬將言成章



此例載多收稅  
糧斛面條

尋毆傷並搶奪升斗帳簿雖毀起丁書貨夜舞弊滋  
鬧不爲無因惟該革生始則意存多買繼復糾搶升  
斗挾制亦非善良應照他物毆人成傷律笞四十仍  
照在京在外收放糧草等處三五成羣搶奪糧斛者  
杖罪以下枷號一個月順義縣知縣朱希賢於平糶  
重務並不平日赴廠監視輒假手門丁書吏其所領  
升斗既不敷用並不再行領取竟自私造已屬辦理  
不善迨事後聞知夜間糶賣米石又不立時究辦實  
屬意存迴護復失察丁書舞弊得贓應請交部照例

議處飭令回任聽候部議

道光十二年邸抄

三錢糧

常人盜倉庫錢糧

軍大在途偷竊  
委員解庫桐油

提督 咨送張宗玉等偷竊解庫桐油一案查名例

載凡律稱主守者守掌倉庫獄囚雜物之類官吏庫

子斗級攢攔禁子並為主守又律載常人不係監守  
外皆是

盜倉庫自倉庫盜  
出者坐錢糧等物但得財者不分首從併

贓論罪又例載竊匪之徒穿穴壁封竊盜庫貯銀錢

倉貯漕糧未經得財者為首杖一百徒三年為從減

一等其一百兩以下不分贓數多寡發雲貴兩廣極

邊烟瘴充軍為從一兩至八十兩准徒五年又店家

車夫行竊商民者除分別首從計贓照常人科斷外  
仍照捕役行竊例各加枷號兩個月各等語詳恭律  
例守掌倉庫雜物之類並爲主守者係指在官人役  
專司主掌其事而言若並非在官人役又非奉官僉  
派祇係受雇運送並無典守之責者自不得以主守  
論雖庫倉律中庫秤雇役侵欺條內有受雇之人卽  
是主守之文然亦指倉庫務場局稅庫秤斗級等項  
受其雇錢代役承直而言既係受雇代役承直官物  
雖係暫掌卽與在官人役無異其有侵欺借貸移易

戶部應交崇文  
門變價之殘廢  
鹽引先由戶部  
拉運賊罰庫被  
車夫李太偷竊  
比照常人盜倉  
庫錢糧一兩至  
五兩律杖八十  
嘉慶二十年江  
蘇司現審案

故亦照監守自盜論所以嚴倉庫而杜侵盜也至律  
載解物人若有侵欺者計贓以監守自盜論所謂解  
物人者蓋亦是奉官僉派解送之人與私自運送官  
物之船戶車夫不同是私自受雇運送之船戶車夫  
既不得謂之主守則其偷竊官物即不得以監守自  
盜論復查常人盜官物一兩至八十兩分別首從開  
擬軍徒一條註云官物必須由倉庫中盜出方坐其  
雖係官物而並非盜自倉庫若仍科以盜倉庫錢糧  
等官物之罪則與自倉庫盜出乃坐之文又相柄

衡情酌斷自應仍依竊盜定擬此案張宗玉與在逃  
之劉日殿等在通州車店得錢受雇并送安移委員  
茹藻押解桐油至顏料庫交卸並雇劉泳順劉五押  
送照料該犯推運桐油至閭四店內住歇劉日殿起  
意商允張宗玉等竊出桐油六壘交閭四收藏經劉  
泳順劉五走至查見告知實情許俟賣錢均分劉泳  
順劉五圖利允從查該犯張宗玉推送解庫桐油係  
屬車店受雇閭四係屬店家均與奉官命差解送  
物之人不同其在途偷竊桐油計賊二十六兩零

偷竊酒船米石  
照常人盜倉庫  
錢糧治罪刺字  
酌在犯事何干  
柳號三月嘉慶  
十八年直隸司  
李鳳奏案

應照常人盜官物非由庫中盜出仍依竊盜論應將  
張宗玉閭四均依竊盜賊二十兩杖八十爲從減一  
等杖七十該犯等係屬店家車夫行竊應照例各枷  
號兩個月臂刺竊盜二字劉泳順劉五押送照料亦  
係得錢受雇並非典差官役其於張宗玉等行竊桐  
油時該犯等先未同謀後經查知貪利應允若分得  
贓物應依知竊盜後而分贓計所分贓照竊盜爲從  
免刺今該犯等尙未分得贓物無從計贓定罪惟該  
犯等既經受雇照料並不即時稟首輒貪利容隱亦

有不合應將劉泳順劉五於張宗玉等罪上再減一  
等杖六十安撫司將張宗玉閻四劉泳順劉五俱比  
照官物有封記而擅開律杖六十各加枷號一個月  
似未妥切應請交司改擬

道光四年安徽司現審案說帖

運員家丁串同  
船戶偷竊官銅

湖廣司 核奏運員邵翔領運京銅被家丁帥貴串  
同船戶沈正順等盜賣銅筋一案查此案該運員家  
丁帥貴起意盜賣官銅一萬二千筋將船盤沉逃逸  
自應照例擬絞候緝獲日定擬完結沈正順朱全高  
以船戶聽從盜賣分贓應照爲從例擬流因帥貴在



墟店驛役王發  
財因商人張三  
益令其運送鹽  
課銀兩給有運  
司護照該犯中  
途竊銀一千六  
百兩依盜庫銀  
一百兩以上例  
擬絞乾隆五十  
五年河南案

逃暫行監候待質亦屬照例辦理至劉釗柱一犯  
督審照知情故買盜賊枷杖罪上量加一等擬絞  
一年查盜賣銅劬其知情承買者例無治罪明文  
劉釗柱明知係屬官銅輒因銀已過付不能要回  
未獲之張斗等三人商同夥買至一萬二千劬之多  
如果沿江一帶商民均知守法卽家丁船戶人等有  
心盜賣銅劬而承買無人盜賣者斷無所使其技今  
劉釗柱等商同接買以致帥貴等肆無忌憚盜賣至  
一萬餘劬若將該犯等照尋常故買盜賊例擬杖加

枷固不足以示懲卽如該省所擬將該犯等於知情  
故買賊贓滿杖例上量加一等擬杖六十徒一年亦  
屬情浮於法該司將該犯與從犯沈正順一律擬以  
滿流係屬就案懲辦劉釗柱既經改擬滿流則代爲  
說合之何志安自未便僅擬滿杖該司將該犯於劉  
釗柱流罪上減一等擬徒亦屬允協似可照辦

嘉慶二十二年說帖

兵民絕城鈞捐  
偷竊倉貯漕米

直隸司 審奏馬甲慶福等絕城偷竊太平倉米石  
情形一摺欽奉

論旨向例偷竊漕米罪名數逾百石以上者擬絞並無從  
城上釣堀專條此案夥竊日久所竊之米雖尙未據供  
出確數但約計自己不止百石應將案內起意爲首與  
積慣結城偷米之人從重定擬以昭炯戒將來定案之  
後並著由城上偷米應得罪名酌議專條具奏等因欽  
此嗣經臣等審明將起意竊米數逾百石之慶幅照  
例擬絞請

旨卽行正法節年聽從竊米及知情銷米各犯從重分別  
擬以遣徒等因奏結在案臣等伏查竊匪之徒穿穴

壁封竊盜倉貯漕糧例禁禁嚴至於守城兵丁絕城偷竊倉米較之穿穴壁封行竊者尤爲目無法紀

臣

等謹就竊匪穿穴壁封盜倉米之例與現在締結慶幅之案公同參酌比核從重定擬應請嗣後如有守城兵丁由城上鈎擗偷竊倉米未經得贓者杖一百流三千里爲從減一等其得贓之首犯數至一百石以上者擬絞立決爲從發黑龍江等處爲奴一百石以下首犯不分贓數多寡發黑龍江等處爲奴爲從俱杖一百流三千里其常人串通兵丁由城上鈎擗

黑龍江爲奴例  
已改

步甲偷京城城  
棧內糧單鐵釘  
索賊竊盜條

偷竊倉米者罪亦加之再查京城重地守衛宜嚴該  
班官員如果認真稽察兵丁何由起城行竊慶幅等  
之積年肆竊倉米皆由官員平日曠值廢弛所致除  
稽查值班官兵章程應由軍機大臣酌議具奏外如  
將來兵丁仍有城上鈎擄偷竊倉米之案審明該班  
官員若有故縱徇隱等事卽照律與犯人同罪其實  
止疎於查察及曠班不值應請交部分別嚴加議處  
等因嘉慶十六年五月二十六日奉

旨依議欽此

說帖已集例

強盜

兩賊同時同地  
拒殺事主一人

蘇撫 趙賊犯劉水等行竊被獲圖脫刃斃事主一  
案查劉賊搶竊殺人之案如數人共殺一人無論金  
刃他物以致命傷重者為首在場助力或致命而非  
重傷或重傷而非致命者以為從論等語此案劉二  
先被事主張學追獲拉住髮辮用棍向毆劉二圖脫  
用刀砍傷張學頂心深至骨骨不損張學不放劉水  
趕回救護用刀砍傷張學額顱骨損是劉水拒砍張  
學之時劉二尙被拉住未放該二犯同時同地向事

主拒砍不得謂非共殺一人既係共殺一人卽應照  
例分別首從該省將拒砍致命傷重之劉水依竊盜  
未經得財逃走被事主追捕因見夥賊被獲暫護拒  
捕殺人者首犯擬斬監候拒毆致命傷輕之劉二依  
爲從幫毆如刃傷者擬絞監候均屬允當應請照覆  
道光六年說帖

兩賊同時同地  
刃傷事主一人

湖廣司 查例載竊盜乘財逃走被事主追逐拒捕  
傷人未死如刃傷者首犯擬絞監候從犯減等擬流  
又搶竊拒傷事主之案如二人同場拒傷一人若俱

係金刃以免下手者爲首若並不同場者各以爲首  
論各等語此案侯叫化糾允唐老滿行竊事主范池  
何家衣物龍池河驚醒起捕唐老滿棄賊逃出侯叫  
化落後破龍池河趕及扭衣跌地將龍池河帶跌撲  
壓身上致手執刀尖割傷龍池河胸膛侯叫化被執  
不能掙起用刀戳傷其右胳膊並帶傷右眼角龍池  
河奪刀丟棄聲喊捉賊侯叫化喊令唐老滿救護唐  
老滿聽聞趕至拔刀砍傷龍池河左眉中等處是侯  
叫化唐老滿係兩人同場拒傷一人侯叫化首先下



手應依爲首論唐老滿聽從下手應依爲從論乃該撫既將爲首之侯叫化依竊盜棄財逃走刃傷事主例擬以絞候復將爲從例應減等擬流之唐老滿依竊盜已經逃走因見夥犯被獲幫護刃傷事主例擬以絞候是將同場拒傷一人之衆援引各科各罪之條實屬錯誤罪關生死出入應令該撫詳核例案另行妥擬具題

道光十一年說帖

貴撫 題請四鄉痞拒死事主方潮陽一案查例載竊盜殺人之案如數人共殺一人無論金刃他物以

搜捕兩賊  
事主一人

錄是否兄器滿  
聲敘

致命傷重者爲首傷重而非致命者以爲從論又事  
主事後搜捕起意拒捕者仍依罪人拒捕科斷又律  
載罪人拒捕者加二等殺所捕人者斬監候爲從減  
等擬流各等語此案方潮陽被竊於事後邀同鄰人  
吳思科等前往搜捕從賊張華鏢戳方潮陽不致命  
兩腿肱四指指石擲方潮陽致命額顙骨損倒地殞  
命鄰人吳思科又被從賊蔣雙龍刀割咽喉不復該  
省以方潮陽係事後搜捕將毆有致命重傷之蔣四  
母猪依罪人拒捕殺所捕人律擬斬監候張華鏢等

擬流蔣雙龍刀傷吳思科咽喉按律罪應滿徒病故  
勿議均係按例辦理似應昭復

嘉慶十三年說帖

首犯先行拒捕  
夥賊幫同刃傷

河南司憲查例載竊盜臨時盜所拒捕如刃傷者首  
犯擬斬監候爲從發近邊充軍又搶竊拒傷事主如  
兩人同場拒傷一人一係他物一係金刃無論先後  
下手以金刃傷爲首各等語此案崔林因聽從董三  
沉糾竊同夥五人齊至事主牛俊家越牆進院搬門  
入室夥賊李興等竊得衣服先行董三沉崔林復竊  
牛俊驚覺起捕拉住崔林衣服喊叫董三沉起意拒  
捕崔林允從董三沉用木叉拒傷牛俊鼻梁等處牛  
俊奪叉回毆崔林亦用小刀扎傷牛俊右手指而逸

旋被拿獲牛倭傷經平復該撫以董三沅起意拒捕  
係屬爲首因尙有拒捕殺差之案從重擬以斬決業  
經在監病故應毋庸議將崔林依竊盜臨時盜所拒  
捕刃傷爲從例發近邊充軍等因咨部查搶竊之案  
二人同場拒傷一人無論先後下手以金刃爲首例  
內已有明文今崔林聽從董三沅行竊臨時盜所先  
後將事主牛倭拒傷既據訊明一係金刃一係他物  
按例原應以刃傷之崔林爲首傷非金刃之董三沅  
爲從然或拒捕之時董三沅實有喝令下手情事尙

可援主使爲首下手爲從之律分別定擬乃檢閱崔  
林供招僅有董三沅起意拒捕一語既與嗚令下手  
者不同而董三沅生供內又未敘及是所捕聽從拒  
捕低係崔林一面之詞自應將崔林依竊盜臨時拒  
捕刃傷爲首例問擬斬候該撫率將崔林依爲從例  
擬軍而以業經監斃之董三沅當其重罪殊屬錯誤  
本部礙難牽覆再查事主牛俊報案之時供係被崔  
林砍傷續又供係北傷其傷痕之大小輕重始終未  
據驗報亦屬含混應令該撫飭屬驗明並將拒捕情

或犯事後護夥  
刃仍事主平復

如品籍拒捕只  
應加二等案並  
以同親尊長條  
例擬王倫遇

形詳細研鞫究竟或扎或砍抑係圖脫情急帶劃傷  
輕之處分別聲敘明晰按例妄擬 道光十三年說帖  
直督 咨竊盜事後護夥刃傷事主應照罪人拒捕  
分別加等擬徒未便與當時拒傷者同擬絞候惟例  
內並未指明事後刃傷及折傷未至篤疾者亦應照  
罪人拒捕加等定擬明文咨部示遵等因查例載竊  
盜臨時盜所拒捕或護賊格鬪傷人未死如刃傷及  
折傷以上者首犯擬斬監候為從發近邊充軍如被  
事主事後摠捕起意拒捕者仍依罪人拒捕本律分

拒傷事主骨損  
骨破應作折傷  
論案載白晝搶  
奪條

別殺傷科斷又竊盜棄財逃走與未經得財逃走被  
事主追逐拒捕或夥賊擄賊先遁後逃之賊被追拒  
捕及已經逃走因見夥犯被獲幫護拒捕傷人未死  
如刃傷及折傷以上者首犯擬絞監候從犯減等擬  
流若傷非金刃及事後追捕有拒捕殺傷者仍各依  
罪人拒捕本律科斷等語此竊盜拒捕分別臨時及  
被迫圖脫治罪之例又竊盜拒捕刃傷事主及折傷  
以上依例分別問擬斬絞外若傷非事主以及別項  
罪人拒捕如毆所捕人至殘廢篤疾罪在滿徒以上



咬傷事主照傷  
非全刃嘉慶二  
十五年雲南王  
毓峽案

者方依律擬以絞候其但係刃傷以下照律加本罪  
二等問擬又律載犯罪逃走拒捕者各於本罪上加  
二等罪止杖一百流三千里毆所捕人至折傷以上  
者絞監候各等語此罪人拒捕刃傷加等及折傷以  
上分別是否滿徒治罪之例是竊盜刃傷事主問擬  
斬絞之例係指臨時圖脫而言蓋竊盜拒捕首重臨  
時次及被追圖脫一則以其盜所行兇一則以其甫  
離盜所其情可惡其罪無可原故一經刃傷及折傷  
以上卽應分別問擬斬絞至竊盜例內載明事後追

捕役罪人拒捕科斷卽無論是否傷係事主總依罪人拒捕例內分別刃傷加等折傷是否罪在滿徒以上按律定擬總之竊賊拒捕當場與事後情節迥不相同例文旣指明事後搜捕仍依罪人拒捕本律科斷設有刃傷自應照律加本罪二等卽折傷以上亦應視其傷罪已在滿徒以上方擬絞候並非概擬絞首律例分晰甚明無庸牽混相應咨覆該督分別遵辦所有該省賊犯事後護夥刃傷事主之案應令迅飭審擬

嘉慶二十年說帖

事後搜捕拒殺  
工人鄰佑二命

竊賊用鐵劍可  
傷鄰佑止應加  
拒捕罪二等擬  
斬浙江金小加  
刑案載非人拒  
捕條

湖廣司 查郭邦彥行竊拒傷頭名德王玉連身死  
一案此案郭邦彥聽從田孝生夥竊田大斌家銀物  
被田大斌事後查知令雇工顏名德并鄰人王玉連  
前赴該犯家內拘拿送官該犯持刀拒捕砍傷顏名  
德倒地王玉連抓住該犯髮辮拉走該犯情急圖脫  
復戮傷王玉連倒地旋各因傷殞命查郭邦彥係行  
竊賊犯顏名德王玉連一係雇工一係鄰佑經事主  
田大斌邀令往拿均有應捕之責該犯於事後被事  
主搜拿起意拒捕將顏名德王玉連砍殺身死照例

應以罪人拒殺捕人論雖案關二命而罪各相等自  
應從一科斷該省將該犯依罪人拒捕殺所捕人律  
問擬斬候尙屬相符似可照覆

嘉慶十六年說帖

蘇撫題路松觀夥同沈百受等雲門行竊經事主  
鄰佑孫止潮出捕路松觀拒傷孫正潮身死將路松  
觀依罪人殺所捕人律擬斬監候沈百受在場助勢  
並未幫拒成傷於爲從幫拒之陳阿大等流罪上量  
減一等擬以滿徒

嘉慶十八年案

貴撫題楊有胡故妻余氏之弟余世美與堂兄余

行竊及弟家刃  
傷事主之堂弟

世龍鄰居楊有胡知余世龍有銀收貯起意行竊潛至余世龍屋後爬上穿枋因踏板聲響余世龍驚醒聲喊楊有胡遁至甕房被余世龍趕獲喊捉楊有胡掙脫卽開後門奔出適余世美聞聲已至後門外堵截將楊有胡抱住按倒楊有胡掙扎圖脫用力戳傷余世美胸膛等處平復將楊有胡依竊盜棄財逃走事主追逐拒捕刃傷例絞候仍照外姻無服尊長戳傷卑幼減一等擬流等因查律載本宗外姻親屬相盜無服之親減一等若有殺傷者各以殺傷尊長卑

幼本律從重論又例載外姻親屬相盜惟律圖內載  
明者方准減等此外不得濫引各等語今余世龍係  
楊有胡妻之堂弟本非律圖所載無服之親其相盜  
已不應減等至聞聲往捕之余世美雖係楊有胡妻  
之胞弟爲律圖之所載但楊有胡行竊拒捕致傷所  
捕之人自應依殺傷本條科斷今於殺罪上減等擬  
流是以協捕之人作爲事主而以傷人之犯濫行請  
減於情法均未允協應令另行妥擬去後嗣據該撫  
改照傷非事王加本罪二等例於刃傷人上加拒捕

罪二等杖一百徒三年具題復查此案楊有胡行竊  
余世龍家被余世龍之堂弟余世美堵截抱住該犯  
圓脫卽拔刀扎傷余世美胸膛等處查被傷之余世  
美雖係該犯妻弟究係事主本宗兄弟與鄰佑協捕  
者不同自應照刃傷事主例科斷前因該撫將行竊  
拒捕刃傷之犯援例減流是以駁令改擬並非以事  
主兄弟協捕盜賊不得謂之事主也今該撫更將楊  
有胡改照傷非事主擬徒尤未允協應令再行另擬  
去後旋據遵駁將楊有胡改依竊盜棄財逃走事主

拒傷事主分居  
親屬與事主同

追逐拒捕刃傷刳擬絞監候

乾隆三十三年題在案  
刑部所見集錄

廣東撫 題賊犯曾亞瀧拒傷事主之叔黃汝雲身

死一案查例載竊盜棄財逃走被事主追逐拒捕因

而殺人者首犯擬斬監候其傷人未死如刃傷首犯

擬絞監候從犯減等擬流又竊盜拒捕傷非事主但

係刃傷仍加本罪二等名等語此案曾亞瀧糾同黃

亞複曾細九等行竊事主黃亮華察前牛隻因聞事

主之妻黃陳氏喊捕棄賊逃走事主之叔黃汝雲堂

兄黃岳華黃從華趕至捉拿曾亞瀧拒捕致傷黃汝



雲身死並用刀剗傷黃從華平復黃亞復曾細九亦  
先後用刀剗傷黃岳華平復該省將會亞瀧等依竊  
盜被事主追逐拒捕殺人傷人例分別擬以斬絞杖  
流經該司以已死黃汝璽及被傷之黃岳華均係事  
主黃亮華本宗有服親屬如果與黃亮華同居共財  
卽與事主無異若黃汝璽等係與黃亮華各居另度  
賊犯曾亞瀧卽不得以拒殺事主論應仍照罪人拒  
捕問擬駁令查明黃汝璽等與黃亮華等是否同居  
共財另行審擬並查出嘉慶六年四川省賊犯江仕

童行竊羅興位家拒捕刃傷事主分居堂煙羅尙全  
鄰人謝添奇劉思華等平復案內聲明事主分居親  
屬自應仍以鄰佑定擬因該犯連傷三人比照竊盜  
被追拒捕刃傷事主絞候例上量減擬流成案繕具  
說帖呈

堂交館查核

職

等遵查此案死者傷者俱係事主本之

期功親屬聞喊幫捕分屬至親前切同讐核與鄉一  
幫捕竊賊止於情切守望者迥不相同若於事主五  
服至親中分別同居共財與否則事主家倘係父子

兄弟析產分居各立門戶又將作何分斷且查行盜殺一家三人律註內稱同居雖奴婢雇工人皆是或不同居果係本宗五服至親亦是殺死事主同居奴隸三人與殺死事主五服至親三人本係一律科罪未便將拒傷之案獨加區別况殺死竊賊例內載明奴僕雇工應與事主同科而向來竊賊拒殺事主奴雇各案亦俱係照拒殺事主辦理是殺死奴雇三人卽以一家論殺死奴雇一人卽以事主論亦未便將五服至親獨加區別檢查上年直隸省題賊犯趙

全歌行竊事主魏長盛家圖脫拒捕刃傷事主出嫁  
暫時歸寧之胞姊呂魏氏平復一案該省將趙全歌  
依竊賊被追捕刃傷事主例擬絞監候經本部照  
擬核覆在案胞姊出嫁並非同居共財之人彼案既  
以事主論則此案似可仿照辦理如謂奴僕雇工同  
居卽屬共財非不共財之五服親屬可比抑思家主  
之財非真係奴僕雇工之財不過因情誼所繫視如  
己財若不同居之五服親屬於其所親之財惟恐被  
賊所竊亦必當視如己財不能稍形隔膜今反謂分

居至親不若同居異姓之切已殊於情理未協至該  
司檢出江仕童刃傷事主堂姪一案係遠年成案似  
難援以爲據所有曾亞龍一案應請毋庸駁查

道光七年說帖

竊賊護夥刃傷  
事主寄宿无匠

東撫 咨外結徒犯楊七行竊護夥拒捕刃傷紀成  
山平復查紀成山係事主馬昌熙家所覓泥无匠偶  
爾寄宿並非馬昌熙家雇工不能以事主論楊七依  
竊盜拒捕傷非事主但係刃傷仍照律加刃傷人本  
罪二等例擬以滿徒

嘉慶二十三年案

偷羊逃走因被  
追捕緝獲事主

東撫 咨賊犯王新桂等行竊事主劉光鉸家羊隻  
拒捕捆縛工人韓秉忠一案查例載竊盜雖離盜所  
臨時護賊格鬪傷非金刃傷輕平復首犯改發邊遠  
充軍又搶竊拒傷事主傷輕平復之案如兩人同場  
拒傷一人似係他物以先下手者爲首各等語此案  
王新桂聽從孔傳剛行竊乘事主劉光鉸工人韓秉  
忠脫離將其收放羊隻趕走韓秉忠醒覺趕上拉住  
王新桂喊嚷王新桂掙脫致將韓秉忠帶跌撞傷左  
廉肋韓秉忠欲起身喊追王新桂恐人聽聞拿獲隨

將韓秉忠按住經夥犯馬得山解取繩子縛其兩手  
王新桂用裹脚捆住其足趕羊逃逸變賣俵分查王  
新桂等乘事主工人韓秉忠坐地鼾睡竊起羊隻因  
被追拒捕捆縛工人在已經得賊之後係屬行竊拒  
捕王新桂雖係聽從行竊惟首犯孔傳剛已趕羊先  
走並未在場例應以王新桂爲首該省將王新桂依  
竊盜臨時護賊拒捕傷非金刃傷輕平復例擬軍馬  
得山依爲從擬徒孔傳剛仍照竊盜未律計贓擬杖  
七十徒一年半情非相符應請照覆

嘉慶十七年說

逃走並未棄財  
被追用言嚇禁

川督 咨張于典等行竊王定遠家衣服被事主追  
捕用言嚇禁一案查例載竊盜臨時拒捕未經成傷  
者首犯發近邊充軍為從減等滿徒又竊盜棄財逃  
走事主追逐拒捕未經成傷者仍以罪人拒捕律科  
斷註云逃走並未棄財仍以臨時諭等語此案張于  
典等行竊王定遠家衣物跑走王定遠驚覺聲喊追  
捕張于典慮被追及令夥賊張友中等同聲喊稱追  
及定要喫虧將王定遠嚇退而逸查張于典等當事  
主追捕之時輒敢用言嚇禁即屬拒捕該犯等並未



夥竊得贓落後  
之賊應追嚇禁

棄財例應以臨時論該省將張于典依竊盜臨時拒  
捕未經成傷例擬軍張友中等照爲從擬以滿徒均  
屬與例相符應請照覆

嘉慶十六年說帖

晉撫 咨張丑生夥同任保林等行竊李木財家嚇  
拒事主一案查張丑生與武三管楊文有聽從任保  
林邀竊李木財家任保林與楊文有入室張丑生與  
武三管在院接賊任保林等竊出衣飾放於院內李  
木財之母李張氏驚覺喊叫武三管攜賊先逸張丑  
生恐人聽聞幫捕在於窗外用言嚇禁與任保林將

竊賊分攜逃跑前據該省緝獲武三營審照竊盜賊  
一百二十兩以上爲從律擬流經本部照覆在案今  
該省續獲張丑生到案審明該犯於任保林等竊出  
贓物之後因聞事主喊叫慮恐有人聽聞幫捕在窗  
外用言嚇禁並非復圖入室搜賊與共謀爲竊臨時  
行弔者不同該省將該犯依竊盜臨時拒捕未經成  
傷例發近邊充軍查核情罪相符應請照覆

嘉慶十七年說帖

河撫 咨于書聲等行竊郭安邦家臨時拒捕一案

行竊被獲喊同  
夥賊捆縛事主

查此案業經本部兩次駁審今據該省逐層審明于書聲等實因挾郭安邦不允代爲借貸之嫌兄弟三人前往行竊希圖洩忿追于書聲被郭安邦揪獲同跌倒地于書聲情急喊令于書文幫同將郭安邦用繩捆縛卽行逃逸並無乘機挾賊情事委非臨時行強事主郭安邦欲挾令捕役上緊緝拿捏報強劫仍請照原擬將于書聲等分別擬以匪徒杖答咨部查核情罪尙屬相符似可照覆

嘉慶十七年訊結

東撫 咨孫蘭台竊得事主郭鄭氏家錢文逃出因

竊賊得賊被擒  
用言錄禁

郭鄭氏起捕輒取用言嚇禁將孫蘭台比照竊盜雖  
離盜所臨時護賊格闕未經成傷者首犯發近邊充  
軍

嘉慶二十一年案

北撫 咨劉五兒蔡大兒竊得錢物遞交夥賊接收  
事主驚覺喊拿劉五兒聲言如敢走出定卽打死蔡  
大兒亦幫同用言恐嚇事主不敢出捕該犯等亦卽  
出門分賊各散將劉五兒等依竊盜臨時拒捕未經  
成傷例分別首從擬以軍徒

嘉慶二十年案

捆縛之後既未  
畏賊與強不同

廣西撫 題岑中新莫洪甫等行竊護夥拒傷事主

覃庭魁覃庭錫身死一案查例載竊盜已經逃走因見夥犯被獲幫護拒捕因而殺人者首犯擬斬監候等語此案岑中新莫洪甫聽從于加昌糾竊覃庭魁家先竊得黃牛二隻牽走覃庭魁與弟覃庭錫驚醒追捕將落後之夥賊鄭老八捉獲至家捆縛岑中新等見鄭老八被獲慮及破案轉至事主門首懇求釋放覃庭魁覃庭錫分持木棍向毆岑中新等棍毆傷覃庭魁右太陽莫洪甫牽棍毆傷覃庭錫偏左等處該犯等當將鄭老八解放並將覃庭魁兩手反縛使

其不能再追而逸竄庭魁門庭錫均延至次早因傷  
殞命查岑中新等竊得牛隻業經逃走因夥賊被獲  
轉回至事主門外求放被事主持棍出毆該犯等各  
奪棍拒傷事主身死並非臨時盜所其將事主捆縛  
係慮其再追且未挾取贓物亦與行強不同至被殺  
事主雖係兄弟一家二語惟該犯等係各拒各捕自  
應各科各罪該省將岑中新莫洪甫俱依竊盜已經  
逃走因見夥犯被獲暫護拒捕因而殺人例擬斬監  
候情同捆縛事主之賊犯于加昌張連達陳芝高均

照爲從幫毆有傷傷非金刃例擬發附近充軍均屬  
允協應請照覆等因呈

堂覆交館議

職

等查強盜重在得財故例有得財斬決

不得財發遣之分至竊盜臨時行強亦指臨時夥謀  
強攫財物而言如將事主威嚇退避或毆倒制縛困  
而攫取財物自應以臨時行強論若已竊得財物逃  
走因被事主追捕將事主拒傷制縛以便脫身逃逸  
是制縛意在圖脫其時財已入手無所用其行強故  
另有竊盜拒捕分別臨時事後及護夥護贓專條至

賊犯因見夥賊被事主拿獲糾眾解放卽係護夥與  
官司差人捕獲罪人聚眾中途打奪者不同此案以  
中新洪市聽從糾竊覃庭魁家已竊得黃牛二隻  
牽往覃庭魁與弟覃庭錫隣追捕將落後之夥賊  
鄭老八捉獲至家捆縛今中新等見鄭老八被獲處  
及破案轉至事主門前懇求釋放覃庭魁覃庭錫分  
持木棍向歐岑中新奪棍毆傷覃庭魁右太陽莫洪  
甫奪棍毆傷覃庭錫並將兩手反縛使其不能再追  
而逸覃庭魁覃庭錫均因傷殞命查岑中新等如果



何其興通行戴  
罪人拒捕條

將事主拒傷制縛後復乘機搜取財物是毆縛意在  
圖財卽應照臨時行強律擬斬今該犯等所得牛隻  
係屬竊賊並非毆縛事主所劫盜刑事主毆傷制縛  
卽行逃逸未再搜取財物不得謂之臨時行強其將  
事主所獲之夥賊解放情固近於尋犯但事主非官  
差可比經本部於粵省何其興案中明例意應照  
罪人拒捕本律辦理亦不得謂之尋犯殺差惟該犯  
等各拒各捕各毆死事主一人自應各科以爲首之  
罪該省將岑中新吳洪甫俱依竊盜已經逃走見夥

偷竊固未離  
盜所受人

犯被獲禁獲拒捕因而殺人例擬斬監候揆情核例  
均屬相符應仍請照覆

嘉慶十七年說帖

盛京刑部 題賊犯吳克九拒傷事主工人徐祿身死  
一案查例載竊盜臨時盜所拒捕及雖未得財而未  
離盜所逞兇拒捕殺人者擬斬立決又竊盜棄財逃  
走與未經得財逃走被事主追逐拒捕因而殺人者  
擬斬監候又律載盜田野穀粟及無人看守器物者  
計賊准竊盜論免刺註云有拒捕依罪人拒捕科斷  
又罪人拒捕殺所捕人者斬監候又例載事主因賊

犯黑夜偷竊或白日人人家內院內偷竊財物並市  
野有人看守器物登時追捕毆打至死者杖一百徒  
三年若已被毆跌及已就拘獲輒毆致斃者照擅  
殺律擬絞監候又賊犯曠野白日盜田園穀麥蔬果  
柴草木石被事主鄰佑毆打至死者不問是否登時  
有無看守各照擅殺律擬絞監候各等語蓋審辦竊  
賊以賊數爲憑至行竊拒捕殺人則不論賊數而止  
論兇情故一經殺人卽應分別是否臨時盜所擬以  
斬決斬候所以懲兇戢暴定例禁嚴至行竊穀麥計

賊匪竊盜論免刺律內指明田野則不在田野者自  
不便引用且事主殺賊二條一言黑夜偷竊及白日  
入人家內院內而不及田園穀麥一言曠野白日盜  
田園穀麥而不及黑夜且以入人家內院內專屬之  
白日則地非曠野時非白日均該舉於黑夜偷竊可  
知歷來遇有事主捕殺賊犯之案引黑夜偷竊之例  
悉以是否登時分別徒絞參觀對證事主殺賊之罪  
既以是否登時有徒絞之分則竊賊拒捕殺人卽應  
以是否臨時定斬決斬候之別此案吳克九於夜間

至徐德家菜園內偷拔秫稻被徐德工人徐祿揪獲  
該犯情急用刀將徐祿扎傷身死詳閱揭帖供招徐  
德園內卽在住房大門之東是夜徐祿因聽聞菜園  
秫稻聲響令徐德看門徐祿欲往將賊人趕跑致被  
賊犯吳克九拒扎身死是該犯黑夜在事主屋旁園  
內行竊事主聽聞卽開門出捕與行竊田野穀麥及  
無人看守之物不同其臨時拒斃事主自應照例懲  
辦該侍郎將該犯照竊盜未離盜所逞兇拒捕殺人  
例擬以斬決與例相符似應照覆

嘉慶二十一年奉  
天司說帖

屋旁偷竊未得  
圖脫拒斃事主

川督 咨陳官保行竊掀跌幼孩任四致被燒傷身  
死一案職等詳核案情陳官保因兄事主任學全屋  
旁蓄有雞隻起意偷竊適任學全之女長姑同幼弟  
任四在門首烤火見而喊拿該犯慮恐被人聽聞當  
卽逃跑任四踎立當住去路該犯情急用手將其掀  
開任四踎立不穩撲跌火堆該犯卽將其扶起而逸  
任四被燒致傷越日殞命是陳官保行竊圖脫掀跌  
事主之子致被燒傷身死實屬拒捕殺人雖死係兩  
歲幼孩而該犯當掀跌時卽將其扶起尙非有心欲

殺該省將該犯依竊盜拒捕殺人例擬斬監候情罪

相符似可照覆

嘉慶十六年說帖

入室行竊墮落  
窗戶誤傷事主

直督 咨莊海因入室行竊墮落炕上窗戶致挫傷

事主唇吻旋即平復將莊海比照竊盜臨時拒捕傷

非金刃傷輕平復例量減一等擬杖一百徒三年

道光元年案

得賊後復進竊  
被獲刃傷事主

河南司 查例載竊盜臨時盜所拒捕傷人未死如

刃傷者首犯擬斬監候又竊盜棄財逃走與未經得

財逃走被事主追逐拒捕傷人未死如刃傷者首犯

擬絞監候各等語此案潘蠻子行竊事主尤立明家  
入室竊得衣褲放在門旁牆下又進東院正在行竊  
適事主尤立生在院睡歇驚覺起捕潘蠻子正欲逃  
走破尤立生揪住潘蠻子掙不脫身一時情急用刀  
拒傷尤立生額顙等處平復該撫將該犯依竊盜臨  
時盜所拒捕刃傷事主例擬斬監候等因具題<sub>臣</sub>等  
查竊盜臨時盜所拒捕刃傷事主擬斬之例係指事  
主於盜所當時拿獲而賊犯逞兇持刀拒傷者而言  
如賊犯未至盜所尚未行竊被事主拿獲拒捕自有



得贓後復進竊  
被追出房拒捕

未經得財逃走被迫拒捕之條今潛鬻子行竊事主  
尤立明家於入室竊得贓物後復進院行竊如果該  
犯欲竊院內之物被事主捕獲拒捕自應以盜所論  
若該犯仍欲入室復竊行至院內被事主捕獲卽屬  
尙未得財自不得科以盜所拒捕之罪該撫於供勘  
內旣未詳細敘明礙難懸揣定案罪關斬綬出入應  
令該撫另行提犯研訊確情按例妥擬

道光十二年  
說帖

廣西撫 咨賊犯朱望一聽從行竊拒傷事主死後

一案查例載竊盜臨時盜所拒捕及雖未得財而未

離盜所逞兇拒捕或雖離盜所而臨時護賊格鬪若  
傷非金刃傷輕平復首犯改發邊遠充軍又竊盜棄  
財逃走與未經得財逃走被事主追逐拒捕或夥賊  
擄賊先遁後逃之賊被迫拒捕因而殺人者首犯俱  
擬斬監候爲從幫毆如傷非金刃又非折傷者發附  
近充軍其傷人未死若傷非金刃傷輕平復者各依  
罪人拒捕科斷又律載罪人拒捕首各於本罪上加  
一等各等語是竊盜拒捕應以未離盜所及雖離盜  
所而護賊格鬪者爲臨時拒捕其棄財逃走與未經

尚未得賊被追  
出山以房拒捕

得財逃走並夥賊搶賊先遁後逃之賊無賊可護者  
爲被追拒捕蓋以賊犯在行竊得財之所被事主知  
覺不走而拒及雖離盜所而護賊格鬥均屬意在得  
財若一聞事主喊捕卽行逃逸雖逃走未遠被事主  
追逐因而拒捕則是意止圖脫其拒捕之情不同故  
其罪亦有區別檢查嘉慶二十年福建司審辦董貴  
行竊事主內閣中書朱璵家該犯川黎芝洞進屋因  
無物可偷復推開事主家人陳標臥房進內偷衣竊  
得衣物陳標醒覺起捕該犯逃走出房陳標趕至堂

屋該犯正欲鑽洞被陳標揪住情急圖脫用鑿拒傷  
陳標平復將董貴依竊盜未經得財逃走被追拒捕  
例擬結在案此案未望一聽從劉桂才等行竊事主  
曾成柳家撬門進房行竊因槌門聲響事主曾成柳  
備起喊捕未望一跑出房外曾成柳趕至堂屋將門  
堵住未望一情急圖脫順拾柴棍將曾成柳拒傷平  
復查該犯未望一初次竊得贓物已經夥賊攜走迨  
二次進房行竊尚未得贓一經事主喊捕卽行跑出  
房外係屬已離盜所其將事主拒傷亦由情急圖脫

所致既非盜所逞兇又非護賊格鬪與從前辦過董  
貴行竊拒捕之案兩相比較情節相同自應依後逃  
之賊被迫拒捕本例問擬該省將朱望一照竊盜臨  
時盜所拒捕傷非金刃傷輕平復例擬軍係屬錯誤  
應改依夥賊搶賊先光後逃之賊被迫拒捕傷非金  
刃傷輕平復依罪人拒捕科斷例於竊盜賊一兩至  
一十兩杖七十爲從賊一等杖六十本罪上加拒捕  
罪二等律杖八十謹擬稿尾錄呈

稿尾

查此案朱望

一聽從劉桂才等行竊事主曾成柳家撬門進內竊

房內行竊走至  
房外已離盜所

得衣物遞交夥賊曾如桂接收先走朱望一復轉身  
進房行竊因進門聲響事主曾成柳驚起喊捕朱望  
一跑出房外曾成柳趕至堂屋將門堵住朱望一情  
急圖脫順拾柴棍將會成柳左胳膊拒傷不復查該  
犯朱望一先竊賊物交夥賊攜走已屬無賊可護追  
復進房行竊尚未得贓一聞事主喊捕即行跑出房  
外查該犯兩次行竊俱在房內則房外卽屬已離盜  
所其因事主堵門捕捉情急圖脫旣非護贓格鬪又  
非盜所逞兇自應依被追拒捕本例問擬今該撫將

該犯朱望一依竊盜臨時盜所拒捕例擬軍係屬錯  
誤應行更正此案計賊二兩朱望一應改依夥賊攜  
賊先遁後逃之賊被追拒捕傷非金刃傷輕平復依  
罪人拒捕科斷例於竊盜賊一兩以上杖七十爲從  
減一等杖六十本罪上加拒捕罪二等杖八十

道光元年說帖

東撫 題程一先經竊取賊物攜往莊外藏放因復  
往行竊經事主驚覺起捕追至門外被獲該犯情急  
圖脫用肩凡傷事主旋經平復查該犯手無贓物無

竊賊被追拒捕

賊經事主奪回  
不得謂之護賊

賊可護核與夥賊攜賊先遁後逃之賊被追拒捕相  
同將程二照竊盜夥賊攜賊先遁後逃之賊被追拒  
捕刃傷未死例擬絞監候  
嘉慶二十四年案

吉林將軍 題藍得倫竊事主農佃布瓊包跑走被  
事主追毆奪回贖物該犯掙不脫身用刀將事主戳  
傷平復該省依竊盜護賊格圖拒捕刃傷例擬以斬  
候本部以該犯竊得瓊包已經逃走係屬已離盜所  
被事主追獲毆打奪回原贖該犯雖未棄賊而賊經  
事主奪回已屬無賊可護因被事主揪扭不放掙不



以離盜所無賊  
可護聚令收擬

脫身情急拒捕刃傷事主應改依竊盜未經得財逃

走被事主追逐拒捕刃傷例擬絞監候

道光元年奉  
天司案

貴撫 題賊犯鄭老六拒殺事主一案查例載竊盜

臨時拒捕殺人者擬斬立決又竊盜棄財逃走事主

追逐拒捕殺人者擬斬監候又雍正三年集解云竊

盜尙知畏人若臨時事主知覺不走而拒則與強無

異棄財逃走追而逐之不得不拒與臨時拒捕不同

蓋臨時拒捕是格鬪以圖財追逐拒捕乃棄財而求

脫其情異故其罪亦異各等語此案鄭老六行竊勾

文魁米穀先交夥賊迎出背回復入房內偷竊經事  
主之子勾元重聞響攔鏢出捕該犯畏懼跑出屋外  
院內被勾元重趕上用鏢向截該犯用刀背毆其右  
腕肘右太陽倒地移時殞命查該犯既離盜所又無  
贓物可護因被追情急始用刀背拒毆適難是該犯  
實止情急圖脫與護賊護夥在盜所臨時逞兇拒捕  
不同今該撫將鄭老六以臨時定擬實屬與例未符  
應駁令改擬

乾隆五十二年說帖

貴撫題奉添華等行竊拒傷事主姚啓升身死一

所設之夥手內  
有無贓物駁辦

刑案匯覽

卷十三

刑律賊盜

七

強盜

案查例載竊盜臨時盜所拒捕或雖離盜所而臨時  
護賊格鬪殺人者爲首擬斬立決註云已離盜所護  
夥者不在此例又竊盜已經逃走因見夥犯被獲幫  
護拒捕殺人者首犯擬斬監候各等語詳釋例文凡  
竊盜未離盜所拒捕或已離盜所而護賊格鬪是其  
意在得財故殺人者例應斬決若已離盜所護夥拒  
捕殺人則是意在圖脫故罪止斬候例義甚明引斷  
不容牽混此案李添華泰回宗等行竊事主姚啓升  
家撬開大門并堂屋門進內竊得衣物姚啓升驚起

喊捕該犯等攜賊走出院內秦回宗落後被姚啓升  
追及揪住髮辮秦回宗喊救李添華等轉身救護共  
毆致傷姚啓升殞命該撫將李添華依臨時盜所拒  
捕殺人例擬斬立決等因具題臣等詳核案情李添  
華等竊得衣物一聞事主喊捕卽攜賊走出院內係  
屬已離盜所迫落後之秦回宗被事主追及揪住李  
添華等始轉身幫護拒捕與未離盜所拒捕意在得  
財者不同若秦回宗手內攜有贓物被事主追獲李  
添華等轉身拒捕尙可謂之護賊格鬪如秦回宗並

未攜有贓物李添華等因見夥犯被獲幫護拒捕則  
係意在圖脫自應依護夥拒捕殺人例辦理查閱各  
犯供詞均稱事主喊捕時大家拿賊逃出院內等語  
而於泰回宗被獲時手內究竟有無贓物未據確切  
敘明乃該撫以該犯等甫走至院指爲未離盜所因  
李添華等手攜之贓尙未丟棄轉身護夥拒斃事主  
卽稱旣在盜所又屬護賊將李添華等依臨時盜所  
拒捕殺人例定擬殊未允協案關罪名出入臣部擬  
難率覆懇令該撫將泰回宗被獲時是否攜有贓物

律稱逃出不  
畏懼欲逃聚  
者

之處研訊確情按例分別定擬具題到日再議

嘉慶二十五年說帖

東撫 題路魁行竊拒傷事主平陽方身死一案查  
例載竊盜臨時拒捕雖未得財而未離盜所逞兇拒  
捕殺人者爲首擬斬立決其傷人未死若傷非金刃  
傷輕平復首犯改發邊遠充軍又竊盜棄財逃走與  
未經得財逃走被事主追逐拒捕因而殺人者首犯  
擬斬監候其傷人未死若傷非金刃傷輕平復依罪  
人拒捕科斷各等語是同一竊盜拒捕而罪名各有

區別必須將是否已離盜所確切究明方無枉縱此案路魁起意商允高建行竊事主李蘭方家牛隻路魁越牆進院開門高建在院等候接賊路魁將東邊牛屋門鎖扭斷進內行竊尙未得賊事主李蘭方在南屋睡宿知覺起捕路魁逃出牛屋慮恐獲住用所攜鎗柄毆傷李蘭方腦後倒地李蘭方之子李泳成聞喊順攜木桿由北屋趕出向高建追捕被高建用木桿拒傷左腳面路魁恐高建被獲上前幫護高建乘間先逃路魁用鎗柄毆傷李泳成左右子指李泳

成亦用木桿毆傷路魁顛門偏左路魁負痛逃遁  
李蘭方傷重於次日殞命李泳成傷輕平復該撫將  
路魁依竊盜臨時拒捕雖未得財未離盜所殺人爲  
首例擬斬立決高建依臨時盜所拒捕傷非金刃傷  
輕平復例改發邊遠充軍等因具題臣等查該犯路  
魁進牛屋行竊尙未得賊一聞事主李蘭方起捕該  
犯卽行逃出牛屋係屬已離盜所既未得財並無賊  
物可護其將李蘭方拒傷斃命自係因慮被獲所致  
事主之起捕雖在臨時該犯之拒毆則非盜所自不



應將該犯遽擬斬決至夥賊高建僅止在院接賊並未進竊該犯因李泳成起而挾捕川木釋將其拒傷更不得謂之盜所亦未便將該犯擬軍惟檢閱全案供招內路魁僅稱逃出牛屋並無畏懼欲行逃走之語案情猶介在疑似是否該犯實因情急圖脫抑係有意逞兇未據研究明確罪名出入攸關應令覆鞫  
妥擬  
嘉慶二十五年說帖

東撫 題杜冠鳳行竊拒傷事主朱取仁平復一案  
查竊盜非捕有盜所及護賊與逃走被逐之分罪名

亦有斬絞監候之別此案杜冠瀾夥同張士密等行竊事主宋取仁家銀衣交張士密攜出先逃杜冠瀾逃出宋取仁趕毆杜冠瀾用刀架格致創傷宋取仁額顱左額顱平復查杜冠瀾當宋取仁趕毆時是否贓已入手并是否已離盜所該省均未詳悉敘明率將該犯擬絞倘係臨時盜所及已離盜所護賊拒捕卽罪應擬斬案關斬絞出入勢難懸斷應請駁令該省另行研訊確情按例爰擬

道光七年說帖

河撫題冠羣行竊拒捕扎傷事主焦氏身死一案

夥賊說出斬決  
首犯逃匿地方

查例載首盜脫逃如有夥盜供出逃匿所在地方一  
年之內拿獲者將供出之夥盜照例免死實發重賞  
兩廣極邊州縣充軍若係例應免死減等之夥盜改  
擬杖一百流三千里等語此案冠翠糾同朱年行竊  
謝守禮家事主之妻焦氏起捕被冠翠用刀拒傷身  
死卽時逃遁爲從之朱年在院接賊被謝守禮扭獲  
亦臨時用刀將其砍傷當被事主拿獲係各拒各捕  
例應各科各罪該省以朱年被獲時卽將首犯冠翠  
住址并恐逃往朱灣之處向事主告知經事主卽時

追至朱灣將寇擊拿獲與夥盜供出盜首逃匿所在  
限內全獲無異將宋年一犯比例免死改擬滿流  
等查此條原係強盜專條其餘案件未聞援引惟查  
竊案較強盜爲輕而因竊拒捕殺傷事主卽屬強盜  
門內竊盜知人欲告而於財主處首還財物律得減  
罪二等卽刃傷事主而自首亦得免其所因斬絞監  
候之罪仍從本傷法罪止徒二年今該犯宋年因係  
例應各自爲首惟能於被獲時卽將本案糾竊殺人  
首犯住址及逃匿所在一一告知事主致立決重犯

竊賊通貫夥賊  
供出首犯地方

立時就獲不致稽誅何知畏法似可如該省所請比  
例援引惟以本罪應擬斬候秋審例實之犯按照本  
應免死減等盜犯之罪尙未平允應改依夥盜供出  
首盜逃匿所在限內拿獲將供出之夥盜免死充軍  
例實發烟瘴充軍

嘉慶二十年諭帖○是年題結見  
成案

浙江司 查例載造意爲首之盜匪逃例應免死減  
等之夥盜供出首盜藏匿確實地方卽行拿獲者改  
擬杖一百流三千里等語此條係專指首盜脫逃被  
夥盜指拿到官者而言至尋常竊案自不得強爲牽

盜案復犯賴神  
訊按延宕二年  
定隨同入室之  
主二一經到案  
即將首夥供明  
實證各犯不能  
抵賴使應案速  
結無從從漏  
斷尚可待寬一  
緩擬期監候乾  
隆五十五年所  
見集直隸案

竊賊刃傷事主  
畏懼送還原賊

引此案賊犯唐阿大聽從楊阿四糾竊事主陸炳家  
賊逾牆貫雖唐阿大被獲復供出首犯楊阿四逃匿  
地方將楊阿四拿獲係尋常竊賊逾牆擬絞之犯與  
夥犯供出拿獲例應正法之首盜得以量從寬減者  
不同該撫將唐阿大照夥盜供出首盜例於竊盜贓  
一百二十兩以上為從流罪上量減擬徒係屬錯謬  
應即更正唐阿大應改依竊盜贓一百二十兩以上  
為從律杖一百流三千里

道光九年說帖

東撫題趙興文聽從行竊圖脫刃傷事主桂玉占

等平復一案緣趙興文先因夥竊牛贖擬徒援

赦釋免嘉慶二年二月該犯復糾竊一次是年十一月初

七日夜該犯聽從商密行竊事主崔玉占家該犯在  
外等候商密撥門入室竊得衣飾同錢袴攜放事主  
住房迤北空地復返行竊趙興文亦同至大門內接  
賊商密入室偷拉崔玉占身蓋衣服崔玉占驚覺起  
奪商密攜賊逃跑崔玉占赤身追趕趙興文瞥見奔  
逃致被門檻絆跌甫經爬起即被崔玉占趕至背後  
川手抱住趙興文掙不脫身隨拔身佩小刀彎手往

竊賊拒捕自首  
還贖自首各案  
俱減犯罪自首  
條

左向後嚇截致牌崔玉占左脇脯崔玉占仍不鬆手  
往後扳拉一同跌倒崔玉占聲喊趙興文情急刀扎  
崔玉占額門相連額角崔玉占負痛鬆手趙興文爬  
起逃出門外崔玉占亦卽爬起趕上將趙興文髮辮  
揪住時崔玉占之父崔治上前幫捕趙興文益加情  
急用刀扎傷崔治左額角倒地崔玉占向趙興文劈  
刀又被劃傷左額額崔玉占之弟崔漢執持鐵鋸趕  
至毆傷趙興文忍痛掙脫逃逸時商密業已攜賊歸  
家趙興文踵至向商密告知扎傷事主情由囑令探



聽消息再行分贓而散次日崔玉占報州勘驗傷折  
趙興文先因聞拿畏懼令商密將原贓送至事主家  
隔牆撥還隨各逃匿當據崔玉占呈繳給領嗣趙興  
文被差拿獲此案趙興文係因追捕情急圖脫拒扎  
並非盜所臨時護贓格圖按例罪應擬絞該犯於得  
贓之後因扎傷事主心生長懼不敢依分嗣聞事主  
報官差拿即令商密撥還原贓倘有悔過懼罪之心  
若與未還原贓之犯一例擬以縲首白晷無別區別  
查該犯如於事未發之前而於財主處首服律得免

其所因祇科傷罪今聞拿獲賊似應酌量問擬將趙興文依竊盜逃走圖脫拒捕刃傷首犯擬絞監候例上量減一等擬流係

赦後復犯加一等發附近充軍仍照自首例免其刺字逸賊商密緝獲另結等因嘉慶四年四月二十七日題二十九日奉

旨刑部題覆山東省趙興文行竊圖脫拒傷事主於絞罪上量減一等問擬杖流一案此案趙興文聽從商密行竊崔玉占家商密攜賊逃跑趙興文被崔玉占追趕抱

住情急圖脫遂拔佩刀將崔玉占連扎脫身逃走因崔  
玉占之父崔治上前幫捕又復刀扎崔治倒地雖傷俱  
平復然以竊賊臨時拒捕刃傷事主父子二人情節已  
屬兇橫與尋常爲從者不同商密一犯在逃未獲則趙  
興文所供爲首起意及令商密將原賊送至事主家隔  
牆探還之語亦無證據恐係避重卸罪且趙興文又無  
自首情事屢經犯竊今遽以一面之詞量減定擬未爲  
平允趙興文一犯著改爲應絞入於緩決餘依議並著  
刑部將此條纂入例內嗣後內外問刑衙門遇有僥此

首夥行竊強姦  
事主婦女未成

案件卽遵新例辦理欽此

照通行錄○已纂例

湖廣司 查例載竊盜臨時有拒捕及殺傷人者皆斬監候因盜而姦者罪亦如之註云不論成姦與否不分首從又例載因竊盜而強姦人婦女凡已成者擬斬立決同謀未經同姦及姦而未成者皆絞監候各等語此案彭家康糾允左三兒等行竊事主謝綱才家因見謝綱才弟妻鄒氏係屬少婦輒萌淫念拉住鄒氏求姦鄒氏喊罵該犯起意商允左三兒強姦將鄒氏按按倒地左三兒解繩將鄒氏兩手捆縛因

有鄰人接應當各走散既據訊明尙未成姦自應按  
例問擬應如該撫所題彭家康左三兒合依因竊盜  
而強姦人婦女同謀未經同姦及姦而未成者皆絞  
監候例俱擬絞監候再查因盜而姦律註原云不分  
首從故例以同謀未經同姦及姦而未成者皆絞監  
候例稍皆者卽律註不分首從之義且例文止按已  
成未成及同謀未姦同姦三項足斷決絞候之弊若  
設如同謀夥犯亦隨同強姦已成自應擬以斬決斷  
不能量從輕減豈有強姦未成之夥犯得再行寬減

事後謀殺事主  
仍照謀殺本律

之理所有該撫聲稱將左三兒可否量予未減之處  
應毋庸議 道光十年說帖

北撫 題周道等勒死事主徐宗寬一案查竊盜拒  
捕殺人例分臨時事後臨時拒殺事主首犯擬以斬  
決從犯分別傷痕輕重擬以絞候軍罪事後拒殺事  
主首犯擬以斬候從犯減等擬流至謀殺之案先經  
本部於嘉慶十二年通行各省悉照拒捕殺人本例  
辦理其爲從之犯應以拒捕殺人及謀殺人兩例參  
觀拒捕罪重則科拒捕謀殺罪重則科謀殺歷來遵

辦無異此案周道因商同周六孫么行竊徐宗寬相  
被當錢花用嗣徐宗寬託周道代爲訪查並稱如已  
典當止須還票自贖亦不投入控究周道信實令周  
六等將票給還徐宗寬翻悔聲言定欲送官究治周  
六等央求不允周道起意致死滅口商允周六孫么  
將徐宗寬勒斃查周道於事後拒殺事主例內指明  
仍依罪人拒捕本律利斷按罪人拒殺捕人與謀殺  
造意兩律均罪應斬候其爲從下手之周六孫么二  
犯按事後拒殺事主爲從罪止擬流轉輕於尋常謀

臨時謀殺事主  
仍照臨時拒捕

殺加功之罪自應從重仍照謀殺加功本律擬絞惟  
爲從之犯既照謀殺問擬爲首之犯卽未便照拒捕  
殺人本律科斷以致一事兩引該省將周道依謀殺  
造意律擬斬監候周六孫么均依加功律擬絞監候  
查核情罪相符應請照覆  
嘉慶十七年說帖

廣東撫題羅振郎商同伊妻羅陳氏行竊古陳氏  
家臨時起意致死事主滅口一案查例載竊盜臨時  
盜所拒捕殺人爲首擬斬立決爲從幫毆如刃傷及  
折傷以上擬絞監候傷非金刃又非折傷發覺貴兩



廣極邊烟瘴充軍又律載謀殺人從而加功者絞監候各等語又查嘉慶十三年安徽省題黃三糾邀朱志發行竊拒捕勒死事主喻王氏滅口一案該省將聽從下手之朱志發依爲從下手傷非金刃例擬軍經本部以搶竊謀死事主爲首之犯罪已斬決無可復加其爲從加功之犯如刃傷及折傷以上亦例應絞候與謀殺加功者罪同至傷非金刃又非折傷核其所毆之傷雖輕而尋常謀殺之案一經下手加功尙應擬絞豈有因搶竊謀殺事主知情同謀之犯因

其傷輕轉疑重罪之理將朱志發收照竊盜臨脫盜  
所拒捕殺人爲從幫毆至折傷以上例擬絞監候題  
結在案今羅振都商同伊妻羅陳氏行竊晝夜潛至  
事主古陳氏門首撬門進房時房內燈尙未熄該犯  
竊得銅錢稻穀正欲攜賊跑走古陳氏醒覺坐起認  
識羅振都夫婦指名喊拿並聲言控究該犯畏懼起  
意商允伊妻羅陳氏將古陳氏致死滅口該犯卽將  
古陳氏推倒騎壓身上羅陳氏用麻繩捆縛其兩腳  
該犯取麻布塞其口鼻古陳氏氣閉殞命羅振都旋

卽在監病故該省以羅陳氏聽從行竊謀殺事主幫  
同捆縛加功卽與拒捕毆折傷無異將該氏比照  
竊盜臨時盜所拒捕殺人爲從幫毆至折傷以上例  
擬絞監候查核情罪及辦過成案均屬相符應請照  
覆

嘉慶十八年說帖

行竊當被識破  
向同謀殺事主

直督 題田九等聽從張存貴行竊僧洪振衣物被  
事主識破指名喊嚷張存貴畏懼商令田九等毆死  
事主滅口一案查嘉慶十二年廣東撫題周亞敬聽  
從在逃之陳德用槍奪牛隻致死事主工人徐亞燦

滅口一案將周亞敬依圖財害命例擬斬立決具題

經臣部以周亞敬等初意僅止圖搶並無謀命之心

得財之後因徐亞燦起捕並聲言認識報官究治陳

德用始商令周亞敬用刀戮傷徐亞燦斃命係恐被

指控敗露拒捕致死應照搶奪殺人例定擬將周亞

敬改依搶奪殺人為從幫毆刃傷例擬絞監候並聲

請嗣後凡遇搶竊得財後致死事主之案悉照拒捕

殺人本例辦理以免歧異等因題准通行各省在案

至竊盜臨時拒捕殺人為從幫毆傷非金刃又非折

傷擬軍之例係指拒捕適傷致斃並非有心致死之  
從犯而言若係預謀有心致死則爲從下手者較幫  
同拒捕毆斃事主情節爲重且平人謀殺爲從下手  
加功卽應擬絞豈有謀殺事主下手加功因非金刃  
折傷轉得擬軍之理此案張存貴等行竊僧人洪振  
衣物被洪振識破喊嚷張存貴慮恐到官治罪起意  
將洪振致死滅口與田九等商允張存貴掙住洪振  
兩手張冬按住兩腿田九張冬各用磚塊土坯將洪  
振立時毆斃先據該督將張存貴依竊盜拒捕殺人

例擬以斬決田九張冬依幫毆傷非金刃又非折傷  
例擬軍具題經臣部以該督將張存貴依例問擬斬  
決罪名尙無出入惟田九張冬係聽從謀害事主下  
手加功之犯未便遽照竊盜拒捕爲從幫毆擬軍監  
令提審妥擬去後茲據該督覆稱該犯等委因竊情  
敗露將事主致死滅口實無圖財謀害情事並援引  
周亞敬通行聲明彼案聽從致死事主工人照搶奪  
殺人爲從幫毆刃傷擬絞此案田九張冬用磚塊土  
坯幫毆應照拒捕殺人幫毆傷非金刃本例擬軍斬

田九張冬仍照原擬具題查周亞敬係聽從搶奪傷斃事主工人該犯幫毆刃傷照搶奪拒捕殺人爲從刃傷本例擬以絞候與尋常謀殺加功擬絞之犯罪無出人今田九等雖止他物幫毆其聽從謀命加功之罪重於拒捕傷非金刃又非折傷之罪自應依律從其重者論該督因拘泥通行有悉照拒捕殺人本例辦理之語卽不論情罪是否允協以爲所限既係他物亦非折傷遂畧其聽從謀命之重情而科以傷非金刃又非折傷之重罪不知通行內悉照拒捕殺

人本例之語原以別於圖財害命非謂因竊謀殺而  
主下手加功之犯未至折傷即可曲從寬典且謀殺  
加功在平人已應縱首豈有竊盜謀殺事主轉得從  
輕之理該犯田九等聽從謀殺事主所嚴未至折傷  
則拒捕傷非金刃又非折傷之重罪係輕罪不議仍  
應從重照謀殺人從而加功本律問擬罪關生死應  
令該督再行詳核案情悉心妥擬

道光元年說帖

此案英瑞遵駁具奏將張存貴依竊盜拒捕殺人  
例斬決田九張冬改照謀殺人從而加功律擬絞  
監候見成案



竊賊謀殺事  
三命改斬立決

蘇撫 題楊添受行竊先後謀死錢者等二命一案  
此案楊添受前因犯竊擬軍過

赦減釋嗣又糾夥行竊先後謀死錢考蕭馬子二命並將  
各屍埋棄潛匿旋被拿獲該撫將該犯擬斬監候因  
係依律從一科賄惟查該犯係丐匪疊竊先後謀殺  
一命事越年餘始行就獲情罪較重未便仍擬斬候  
致令稽誅楊添受應依謀殺人造意律擬斬請

旨卽行正法以昭炯戒

嘉慶九年說帖

事後故殺一命  
向同謀殺一命

蘇撫 題陳桐等竊牛敗露謀死事主李爾俊等二

命一案緣陳桐竊得李兩俊老牛一隻並陸允榮雇主健牛一隻牽至陸居得家告知竊情同陸居得將牛趕至集上將老牛賣錢尙剩健牛未賣李兩俊陸允榮對見認獲原牛陳桐囑勿聲張許給回家買賠李兩俊應允陸允榮趕牛先行李兩俊行至麥地因積水難行埋怨陳桐竊牛被累聲言到家若不賠牛必不甘休陳桐料其不肯隱瞞頓起殺機趕至李兩俊背後將其揪跌入水揜住脊背被淹殞命陳桐復起意將陸允榮一併致死滅口陸居得亦恐連累懸

允起見陸允榮坐欵橋上陸居得用肩向撞陸允榮  
滾跌落河溺斃將陳桐依謀殺人造意律擬斬監  
候查該犯係竊牛罪人輒敢起意謀死事主李爾俊  
陸允榮二命情節實屬兇惡請

旨卽行正法陸居得依謀殺人從而加功律擬絞監候

嘉慶十三年案

迷竊殺人照強盜例斬梟

雲撫題陳添才數次迷竊吳榮豐等財物並李興  
秀中身身死一案查例載用藥迷人已經得財將起  
意爲首及下手用藥之犯均照強盜律擬斬立決其

逃竊擬遣脫逃  
投回悉照強盜

刑案匯覽

餘爲從者俱發回城爲奴又強盜殺人者斬決梟示  
各等語此案陳添才起意用藥迷竊三次均已得財  
並致事主李興秀被迷及毒身死該省將陳添才依  
用藥迷人已經得財照強盜律擬斬立決強盜殺人  
者斬決梟示例擬斬立決梟示爲從之周長大等擬  
發回城爲奴與例相符應請照覆

嘉慶十七年說帖

伊翠將軍 咨用藥迷竊未成遣犯廖勝彩初次脫

逃自行投回一案查用藥迷人一項已經得財之首

犯卽照強盜一律斬決其爲從及甫經學習之犯亦

卷十三 刑律賊盜

盜

強盜

與情有可原盜犯同擬遣戍如脫逃被獲又與免死  
盜犯一例正法情罪本屬相同惟免死減遣盜犯脫  
逃投首例有仍發原配之文而用藥迷竊案內竊遣  
之犯脫逃投首例無明文亦無辦過成案相應奏明  
將廖勝彩一犯卽照發遣盜犯在配脫逃畏罪投回  
例免其正法仍發原配

嘉慶十六年奏准通行○已  
奉例載犯罪自首條

貴撫題唐子成等用藥迷竊得財商謀致死事主  
張節高等一案查例載用藥迷人已經得財之案將  
起意爲首及下手用藥迷人之犯均照強盜律擬斬

立決其餘爲從者發回城爲奴又強盜殺人不分會  
否得財俱斬決梟示又強盜重案除殺人仍照定例  
遵行外其餘盜劫之案將法所難宥者正法情有可  
原者發遣各等語是用藥迷人得財起意爲首及下  
手用藥者係照強盜法所難宥例正法其餘爲從者  
亦係仿照強盜情有可原例發遣若強盜一經殺人  
卽應不分會否得財照定例斬決梟示則用藥迷竊  
從犯如有殺人情事亦應照強盜殺人一例辦理此  
案唐子成起意糾邀王潮沅施正滢迷竊張節高楊

小二銀錢唐子成因與張節高等素識恐其告發復與王潮沅等商允欲將張節高等迷倒致死嗣唐子成用藥放入麪餅給張節高等食訖迷倒該犯等剝取衣物先後將張節高等擡棄巖下搥傷身死該省將唐子成王潮沅施正澂均依圖財害命例擬斬立決並聲明唐子成仍照強盜殺人例梟示等因查圖財害命斬決之例係指並未用藥迷竊者而言若用藥迷竊殺人例應照強盜殺人辦理今唐子成起意迷竊下手用藥王潮沅施正澂聽從迷竊如唐子成

迷竊殺人雖未  
得財斬梟

僅止得財未經殺人罪止照強盜律斬決王潮沅等  
例止發遣茲該三犯商同將事主致死自應將該犯  
等照強盜殺人一例問擬斬梟該省將該三犯照強  
財害命例擬以斬決已屬錯誤復聲明唐子成照強  
盜殺人例梟示更屬辦理兩歧應卽按例更正唐子  
成王潮沅施正澂均應改依強盜殺人例擬斬立決  
梟示傳首犯事地方示衆

道光元年說帖

雲南司 查例載用藥迷人已經得財之案均照強  
盜例擬斬立決其有人已被迷經他人救醒雖未得



財擬斬監候又強盜殺人不分曾否得財斬決梟示  
各等語此案馬小六起意用藥迷竊致事主倪鍾鳴  
謝錫介被迷瘋狂失足落河溺斃雖未得財業已致  
斃事主二命且迷竊得財定例係照強盜辦理強盜  
殺人不分曾否得財斬決梟示而迷竊之犯既經殺  
人未便因其尚未得財量從寬減致與被迷之人救  
醒雖未得以尙擬斬候之犯無所區別自應卽照強  
盜殺人例辦理馬小六應卽比照強盜殺人不分曾  
否得財斬梟例擬斬立決梟示該犯業已監斃應令

迷竊殺人圖全  
投首不准寬減

戮屍告示  
道光九年說帖

雲撫 題黃正現等用藥迷竊得財致死事主樂正  
中間拿投首一案查律載強盜已行而但得財者不  
分首從皆斬若以藥迷人圖財者罪同但得財皆斬  
又例載用藥迷人已經得財將起意爲首及下手用  
藥迷人並迷竊爲從已至二次及首先傳授藥方之  
犯均照強盜律擬斬立決其餘爲從者俱改發回城  
爲奴其有人已被迷經他人救醒雖未得財將首先  
傳授藥方轉傳貽害之犯擬斬監候又強盜殺人不

分曾否得財俱照得財律斬決梟示又強盜殺死人  
命罪犯深重首夥各犯不徒自首各等語是用藥迷  
竊得財律本同強盜論例內亦係將首犯照強盜法  
所難有例斬決從犯照強盜情有可原例發遣爲奴  
則迷竊殺死事主者亦應照強盜例問擬不得牽引  
圖財害命之條至強盜殺人罪犯深重定例不准自  
首則迷竊得財殺死人命應依強盜殺人問擬斬梟  
者亦不得准其自首此案黃正現藥正顯陸小大彼  
此談及貧苦黃正現起意用藥迷竊得賊分用藥正

顯等允從黃正現不識迷藥因陸小大以伊父在日  
曾言草藥內有土名茨榔鏗可醫瘡毒誤食令人昏  
迷黃正現央其赴山採取焙乾研末用紙包裹收藏  
令陸小大在家等候俟得賊分給陸小大應允未往  
黃正現與榮正顯探知榮正顯之大功服兄榮正中  
及楊剛李雲祥合夥販豬帶有銀錢該犯等詭稱亦  
欲貿易結伴同行至夜宿店次早食飯黃正現乘間  
將迷藥拌入菜內榮正中等不知食完出店藥發昏  
迷睡地榮正顯卽向榮正中身邊搜取銀兩榮正中

藥輕醒轉看見斥其圖財迷竊榮正顯慮恐指控起  
意商允黃正現將榮正中致死滅口并可得財該犯  
等各拾柴棍連毆腎囊等處登時殞命搜得銀兩並  
將楊剛李雲祥所擔錢文挑回黃正現家收藏據銀  
一同逃逸嗣榮正顯黃正現因聞差拿緊急知難逃  
脫赴縣投首並積獲陸小大到案職等查該犯榮正  
顯聽從迷竊臨時起意將事主榮正中致死滅口該  
犯黃正現起意迷竊爲首臨時聽從下手致死事主  
該犯等既係用藥迷竊例應照強盜問辦其殺死事

地方以致殺人  
並本同行分賊

刑律賊盜

卷十三

刑律賊盜

七

強盜

主即應依強盜殺人例斬決梟示強盜殺人定例不  
准自首該二犯雖聞拿投首均應照例擬以斬決梟  
示今該省舍迷竊殺人應照強盜殺人各律例於不  
問而牽引圖財害命之條以該二犯聞拿投首得免  
所因將罪應斬梟之榮正顯依謀殺總麻以上尊長  
律擬斬立決並將迷竊得財爲首聽從殺死事主罪  
應斬決梟示之黃正現依凡人謀殺從而加功律擬  
絞監候均屬錯誤罪關出入應駁令另擬至陸小大  
一犯聽從迷竊授給迷藥如果該犯同行分賊應照

父子送竊得財  
同拿投首

迷竊得財首先傳授藥方例擬斬立決今該犯並未  
同行事後又未分贓不無一綫可原該省將陸小大  
比照雖未得財例擬斬監候倘屬允協將來似可照  
覆  
道光五年說帖

貴撫 題明思煥起意糾同伊子明九龍等用藥迷  
竊李士誠家銀兩旋即聞拿投首查明思煥並未同  
行惟藥係該犯合成給與明九龍等下手業已得贓  
將明思煥比照傷人首盜傷輕不復聞拿投首例擬  
斬監候明九龍聽從下手已將事主迷倒應比照夥

蒙古盜犯妻子  
照蒙古例給主

盜曾經傷人聞拿投首例實發烟瘴充軍

嘉慶二十四年案

熱河都統 咨盜犯色登之妻塔木吉等應照蒙古

例給付事主一案查盜犯色登與李文全等聽從行

劫吉蘭太家毆傷事主得贓依分按刑律強盜已行

而但得財者皆斬卽蒙古例強劫傷人得財亦應斬

決前經

欽差侍郎成 審將色登與民人李文全一體依刑律擬

斬奏奉

諭旨均卽正法至色登妻子原奏未經議及按刑律固得



勿論蒙古例則應給付事主在木犯無論所以何例  
罪名同一斬決無所出入而本犯之妻子若照刑律  
免議則與歷來蒙古犯盜之案同罪異罰未便以木  
犯係照刑律定罪遂致辦理兩歧既據該都統將色  
登之妻塔木吉等擬給事主核與蒙古例相符自應  
照該都統所擬辦理

嘉慶十七年五月初四日說帖

京城居民被盜  
具升口錢降匪

御史程 奏營弁楊廷璫勒休吏日趙大觀詳盜私  
和匿報一案此案西珠市口汛都司楊廷璫勒休吏  
日趙大觀常事主李文英呈報被盜時業已親往勘

驗卽應具呈稟報密速查拿乃楊廷瓚起意商同趙大觀向事主賄賂私和匿報實屬玩視盜劫重聚若僅照詐盜例革職尙覺輕縱相應請

旨將勒休吏目趙大觀卽行革職與已革都司兼世襲雲騎尉楊廷瓚均發往軍臺効力贖罪以示懲儆楊廷瓚據供母老丁單查職官犯罪應否留養例無明文惟伊父楊炳文打仗陣亡歿於王事旣據供明母老丁單可否准予查辦之處恭候

欽定趙大觀據供實年七十一歲查與在官履歷不符母

肅收賄劉鳴謙係該汛千總本有應捕之責乃於都司楊廷瓚等商同私和時並不稟阻復聽從找人說合亦未便催照諱盜例革職相應請

旨將解任西味市汛千總劉鳴謙卽行革職仍依關廂內

失事專汛千總杖一百例杖一百雖係職官不准納

贖照例折責發落王七陳四明知事主被盜報官輒

聽從千總劉鳴謙說合若催照私和公事律擬管亦

覺輕縱王七陳四均照不應重律杖八十枷號一個

月事主李文英於被盜後已經呈報復收受賄贓錢

徐州衛領運千總張廷諱被竊衣飾因負欠債收呈報被盜其去糧銀希圖地方官賄銀入已抵債債欠照本例擬流加徒並隆五十二年所呈集奏案

文抽回原呈雖訊因獲盜無期賊懸無著是以無奈  
應允究有不合應照不應輕律答四十所得制錢一  
百千訊係貽贓錢文應免著追其餘未交制錢四百  
千係屬口許虛數亦免呈繳其楊廷瓚雲騎尉世職  
應咨兵部查辦等因奉

旨此案諱盜私和匿報之勒休吏目趙大觀著卽革職發  
往軍臺効力贖罪已革西珠市汛都司兼世襲雲騎尉  
楊廷瓚起意商同趙大觀私和匿報厥罪惟均姑念伊  
父楊炳文打仗陣亡歿於王事並據供明母老丁單楊

典史抑勒詭盜  
刑傷事主平復

廷瓚業經革職著加恩免其發往軍臺所遺雲騎尉世職著兵部照例查辦解任西珠市汛千總劉鳴謙著卽革職仍依關廂內失事專汛千總杖一百雖係職官不准納贖照例折責發落餘依議等因欽此

道光十二年  
耶抄

東撫奏民人劉平古從口外貿易回籍騎有馬匹攜帶銀錢行李路經信陽縣地方被盜捆縛劫去衣服銀兩事主投同地保赴失事處所查看拾回錢裕一個制錢一千五百文赴縣具報叅革知縣馬文顯以事主既被捆縛何以馬匹並未劫去并錢裕錢文

遺失迫旁反被事主拾回疑有別情飭令進城候訊  
比及回署又因趕辦驗傷將事主發交已革典史趙  
坤問供典史因盜案處分甚重四叅限滿卽應離任  
起意規避欲令事主改供復畏事主上控不便向其  
明講迨檢查被劫原報單內以事主行李有褥無被  
不似遺涉行裝又以馬大鞍小或係來歷不明反覆  
窮究事主供辯輒令跪鍊審問以致劉平吉兩膝跪  
久受傷旋經獲盜起賊叅革訊供屬實查已革典史  
趙坤以道路報劫重案心存諱匿轉以事主形迹可

疑輒令跪鉢審問以致受傷雖劉平吉傷輕平復未  
成殘廢但有意誹盜又復苦累事主情節較重未便  
因其未成廢疾稍爲寬縱趙坤應從重比照抑勒誹  
盜苦累事主傷至廢疾照故勘平人成廢依凡闕傷  
論杖一百徒三年叅革知縣馬文瀨雖訊無授意指  
使情事但既經勘訊乃並不卽時詳報緝盜又不親  
自訊供輒違例轉交典史代訊以致事主被累受傷  
實屬不職已經叅革應毋庸議刑書韓第庸不稟請  
詳緝應照例杖一百

乾隆五十四年奏准案○照所  
見集錄

因貧捏報盜劫  
希冀賄贖

安撫 咨外結徒犯章欄棟因貧捏報盜劫希圖  
制官役賄贖其所報殆戶行劫係隨意捏說並無指  
控姓名且一經詰訊即據實供明尙無挾制情狀將  
章欄棟照姦棍惡空捏報盜劫藉以陷害平人訛詐  
印捕官役者照誣告人死罪未決擬流加徒例量減  
一等杖一百總徒四年 道光元年案

以竊報強央人  
在誣架詞上控

欽差章 其會一誠以竊報強復添捏賊銃連天等詞上  
控挾制又聽從黃光裕教令央懇衿老多人聯名代  
告希圖證實若僅照例擬杖未免輕縱惟伊家究竟



夫察捕役搜賊  
難弊照例恭處

搜賊中飽例載  
竊盜條

被竊尙非憑空捏告將曾一誠比照姦棍豪紳捏報  
盜劫訛詐印捕官役者照誣告人死罪未決擬流加  
徒例酌減一等杖一百總徒四年  
嘉慶二十一年廣  
東司案  
江西道御史 奏稱捕役私起贓物或借名尋賊逐  
店搜索或嚇賊誣扳指稱收頓或將賊犯已物作贓  
或買物栽贓或混認贖贓等弊事發捕役照律例從  
重問擬查私搜竊贓中飽與竊盜同罪私搜盜贓及  
贖贓栽贓各項例內均無專條似應酌定等語 查  
例載獲盜起贓必須差委捕員眼同起認如捕役私

起贓物或借名尋賊逐店搜索或囑賊誣扳鹽精收  
頓或將賊犯已物作贓或買物栽贓或混認贖贓等  
弊事發除捕役照律例從重問擬外其承問官不嚴  
禁詳審該督撫不嚴飭題叅者一併交部議處等語  
詳繹此條例又係專爲官員處分而設並非捕役治  
罪之正條遇有似此案件自應將承問官及該督撫  
照此例分別交部議處至案內之捕役則應究其是  
否誣良爲盜並有無侵剝盜贓及濫拿充數等弊各  
按本例從重科斷原不必牽引此例自毋庸將例內

竊盜等事地保  
汛兵首報遲延

所指各須逐條添出罪名致成虛設所有該御史奏  
請酌定之處應毋庸議  
道光十三年通行

江西道御史 奏稱竊盜等事地保汛兵首報遲延  
應照牌頭曾首告而甲長不行轉報例杖八十查窩  
主例牌頭贖狗隱匿者杖八十若牌頭於甲長處首  
告而甲長不行轉報減一等牌頭免坐是不行轉報  
止擬杖七十似應酌改等語 查地保汛兵首報遲  
延之例係雍正八年纂定向來遇有似此案件俱係  
照例科以杖八十之罪至例內所稱照牌頭曾首告

而甲長不行轉報例一語雖與窩主之例不符然榮  
過字句之間少有參差援引尙無格礙應俟下屆修  
例時再行酌改

道光十三年通行

刑案匯覽卷十三終